

Letshwao La Sebata

 Jwale, hosasa bosiu... Kamehla re hlahisa ntho e le nngwe, Morena Jesu Kreste, ke phetho, mme e leng hore thato ya Hae e Kgethehileng ke efe ho rona re loketseng ho e etsa. Empa ha ekaba thato ya Hae e Kgethehileng hosasa bosiu, hodima *Tiiso Ya Modimo*, re tla bua, ha Morena a rata.

² Mme bosiusing bona, re ntsha, haeba A... e le monyetla wa Hae ho etsa hono, kapa monyetla wa rona ho Mo etsetsa yona, ke rialo, bosiusing bona, re tla bua ka e nngwe ya ditemana tsa bohlokwa tsa hora: *Letshwao La Sebata*.

³ Mme bosiusing ba maobane re ne re le mengwaheng ya diphutheho, *Mengwaha ya Diphutheho tse Supileng*. Le ho qala ka mongwaha wa phutheho ya Efese, ya Efese; le ho qetella ka Mongwaha wa Phutheho ya Laodisea, mongwaha wa phutheho ya ho qetela. Mme a Morena a ekeletse dihlohonolofatso tsa Hae jwale Lentsweng re sa bua.

⁴ Jwale na re ka inamisa dihlooho tsa rona motsotsong wa thapelo, pele feela re phetla Lentswe lena le Kgethehileng.

⁵ Ntata rona ya Mahodimong ya mosa, re motlotlo ka monyetla ona oo re fumaneng bosiusing bona, ho phela, le ho ba mona lefatsheng, bosiusing bona, le ka ho ba le bophelo bo atlehileng ba mmele le matla, le ho ka dula ka moahong, moo Lentswe la Modimo le balwang teng.

⁶ Mme re a rapela, oho Molopelli ya Kgethehileng, ka ho ba Molopelli wa haboRona Ya re hlatswitseng Mading a Hae, le ho re hlwekisa sebeng, mme jwale ho re hlahisa ho Ntate, ntle le sekodi, ho Kreste Jesu; eka O ka tla, bosiusing bona, le ho nka Lentswe le ho Le bula dipelong tsa rona. A Moya o Halalelang o tshware Lentswe Le sa rutwa, mme Le ke le finyelle morero wa lona ka katloloho, pelong e nngwe le e nngwe, pelo ya ka le pelo ya mokgopi. Ho ya kamoo re O hlokang kateng, Ntate, Le ke le abjwe. Mme ho se be le ya kgopjwang ke Lentswe. Mme, Ntate, ha ho ka etsahala hore ke bolele taba e ka tshwanang e le kgahlano le ketellopele ya Hao, a Moya o Halalelang o kwale molomo wa ka. Ke lakatsa feela ho tseba seo e leng Nnete, homme le ho tsamaya ho yona.

⁷ Re hlonolofatse hammoho jwale, re tshwarele dibe tsa rona, re sa bokane tlung ena ya ho rapela. Mme a dibe tsa rona di kene tlasa Madi, le meya ya rona e bewe boemong bo nepahetseng ba ho rapela nakong ena. Ho ba re e kopa Lebitsong la Jesu. Amen.

⁸ Jwale, ke ne ke ntse nahana, sekgetjhana sena sa pampiri mona, ke ngotse fatshe Mangolo a mmalwa ho... a ho lebisa ho ona, ho bala, ho qadisa. Mme jwale ha ke nyolohela mona,

ekare ha ke ikutlwe ho bala afe kapa efe a ona. Ka tlwaelo ke kamoo ho yeng ho etsahale; mehlodithero e mene kapa e mehlano ho qala teng.

⁹ Empa ke batla ho bala kapa ho bolela taba ena pele, hore, ha ke bua, ha nke ke nahana. Le a tseba, mohlo mong, jwalo feela kaha... Ha ke a rera pele seo ke tla bua ka sona jwalo ka lona, le a bona, le letho. Ke mpa ke Mo emela feela. Mme kamoo ke e bonang kateng, ke ye ke e nanabele le ho e nka, le ho e ntsha. Mme ka nako tse ding e ka utlwahala e kgohlahetse, ka nako e nngwe, e mpa e le kamoo ke e amohelang feela. Ka baka leo hono—hono ke yona feela tsela eo nka fanang ka yona.

¹⁰ Jwale, tabeng ena, a e ke e...nke ke bolele hape bosius bona. Taba ena ha e a lebisa ho motho ofe kapa ofe feela ka bonngwe kapa borapeding ba motho ofe feela, le a bona, le ho leka. Ha re dumele nthong eo. Ke dumela ha re le Maamerika a nnete a makoma, hore motho e mong le e mong a ka ba le monyetla wa ho rapela Modimo ho latela dikgodiseho tsa letsvalo la hae ka sebele. Mme re batla ho dule ho le jwalo kamehla. Empa, kerekeng e nngwe le e nngwe, re na le thuto.

¹¹ Hangata, mekgatlong, phuthehong tsa mekgatlo, ba na le sehlomathiso. Mme ba dula sehlomathisong seo, "Sehlomathiso sa rona ke sena." Ho sa tsotolehe se nahawang ke moreri, o loketse ho rera sehlomathiso, hobane a le phuthehong ya mokgatlo.

¹² Mme ka mona, ha re na sehlomathiso sa letho haese Kreste, ke sona sehlomathiso; mme ha ho molao haese lerato; ha ho buka haese Bibele. Mme Kreste ke Hlooho; mme Bibele ke bukana ya rona ya mohlodi; lefatshe ke phutheho yaka. Ka baka leo ke rata—ke rata feela ho rera kamoo ke utlwang ke etellwa ho rera, mme le ka tsela eo ke e bonang kateng.

¹³ Mme hape nakong ena, haholo-holo ha ho buuwa ka karolo ena ya Evangedi, e kgohlahetseng, e thata, e remang, empa, le a tseba, ena ke ntlo ya kahlolo. "Kahlolo e qala" (kae?) "tlung ya Modimo." Ke hantle. Mona ke hona moo kahlolo e qalang teng. Mme ho na le... Haeba o ne o ile lekgotleng la dinyewe mona, mme o il'o ba le tseko, ba na le buka ya molao mono, ba loketse ho bala molao ona, ho fumana seo o se qosetswang. Mme ke kamoo ho leng kateng tlung ya Modimo, re loketse ho e nka Lentsweng la Modimo.

¹⁴ Mme jwale, ka nako tse ngata, dinthong tsena, ka baka leo etsang bonnete ba ho tshwara taba ena jwale, hore, e ka nna yaba ke phoso. Tlhaloso yaka e ka nna ya fosahala. Empa ke leka ho E bala ka hloko kamoo nka kgonang, le ho bua hantle kamoo E bolelang. Ho dula hantle feela le Lengolo, seo Le reng se bolelwe.

¹⁵ Mme jwale ho hobe ruri, kapa... Mohlomong ha se thato ya Morena, mme mohlomong ke yona, ha ke tsebe, hono, ke rata ho qeta veke ka mora veke Bukeng ena, ho dula hantle feela mona le ho e bona ha e tlatsana le Daniele morao kwana, le Daniele le Tshenolo, le ho tlamahanya baporofeta.

¹⁶ Mme Lentswe lohle la Modimo karolwana e nngwe le e nngwe e tlamahane hantle hammoho. Dibuka tse mashome a tsheletseng a metso e tsheletseng, tse ngotsweng ke batho ba mmalwa, tse sianang ka makgolo-kgolo a dilemo, mme ha ho e thulanang le e nngwe, le e nngwe. E nngwe le e nngwe ya tsona e phethahetse. Ha ho sengolwa se kileng sa ngolwa se kang Yona, lefatsheng lohle.

¹⁷ Ba nnile ba tswella, ka dilemo tse dikete tse pedi, ho leka ho fetola Thapelo ya Morena. Ho ekeletsa lentswe le le leng ho Yona, kapa ho fokotsa ho Yona, ho E ntlatfatsa. Le ke ke la kgona. Oh, E phethahetse. Ke Lentswe la Modimo.

¹⁸ Mme ke a dumela e—e hore Bibebe ke Lentswe la Modimo le tlileng ka tshusumetso. Lentswe ka leng la Yona le tlie ka tshusumetso. Ha ke dumele ha *hona* feela ho sa tla ka tshusumetso, mme le *hona* ho le jwalo, le *hwane* ho le jwalo. Ke dumela yohle E tlie ka tshusumetso. E nepahetse kaofela kapa e fosahetse kaofela; mme haeba E dubakane, re tla be re sa tsebe hore re etseng. Empa Yona, sepha ka seng, ke Nnene. Ke ikemiseditse ho nehela bophelo ba ka motsotswaneng ofe kapa ofe bakeng sa HO RIALO MORENA e leng teng mona.

¹⁹ Jwale, jwale ba na le masiu ana a mmalwa feela. Mme, ebile, re tla tshwara tshebeletso ya Moqebelo bosiu, ho tswella hantle ka mokgwa o tshwanang, ho beng le... .

²⁰ Batho ba bang ba kereke ba itse ba tla... ka baka la ditshila, ha ho kenwa kerekeng ka Sontaha hoseng, bang ba bona ba itse ba tla sala Moqebelo bosiu, ka mora tshebeletso, mme ba thuso ho hlwekisa kereke e le hore batho ba tle ba se tlamehe ho tla hoseng ha Sontaha, kapa... kapa ba se ke ba tlameha ho sebetsa ka Sontaha, ho—ho lokisa kereke. Ha re... Re batla... Ha ke Mosabbatha, empa leha ho le jwalo ke rata ho hlompho e—e tshebeletso ya thapelo haholo kamoo nka kgonang.

²¹ Mme jwale, hape, ke nahana hore ke tla tsebisa bosiusing ba hosane, mohlomong, ha Morena a rata, seo re tla bua ka sona Moqebelo bosiu.

²² Jwale, bosiusing bona ke: *Letshwao La Sebata*. Mme hosane bosiu: *Tiiso Ya Modimo*. Ke tse pedi tsa... Ke a kgolwa, ditemana tse hlakolosi ka ho feta ho bolelwa tsatsing lena, hoba ruri ke dumela ha re phela mehleng ya kahlolo ena ya Modimo e hlahlobang. Ke dumela hore re tsatsing la yona.

Mme ha re batle ho feteletsa. Ha re batle ho hlahafala. Re batla feela ho e atamela ka ho phola jwaloka ha Bibebe e tla e bolela mona; mme Hono ho phethahetse, ehlide.

²³ Mme jwale ho etseng taba ena, re utlwa batho ba bangata ha kana, kajeno, ba bua ka letshwao la sebata. Le e utlwile ka nako e telele, “Ke eng? Le etswa ke mang? Kae? Ke mang ya tla ba le lona? Mme haeba ba na le lona, le—le tla sebetsang ho bona? Eng? Eng? Na le ka lematsa motho? Na ho na le—na kotsi e teng ho lona?”

²⁴ Tjhe, jwale, ke seo re—re batlang ho se fumana ho tswa Lentsweng la Modimo, ntho ya pele, “Na ho buuwa ka letshwao la sebata ka Bibeleng?” Mme ntho e latelang, “Le tla be le lebahane le mongwaha ofe? Mme ke batho bafe ba tla ba le lona? Mme o tla etsang? Na o ka ba le lona mme wa se ke wa ho tseba?” Le jwalo-jwalo, ntho eo, dipotso tse kang tseo feela. Ka baka leo, ho latela tsebo yaka e kgabane, hore—hore ena e tla ba e nngwe ya ditemana tse pedi tse hlokolosi tseo nka nahanang ka tsona ka Bibeleng, *Letshwao La Sebata*, le *Tiiso Ya Modimo*.

²⁵ Jwale, pele, ke tshwere Lengolo mona ho bontsha hore na...kapa le ngotsweng fatshe, ke tle ke Le phetle, mme ke Mohalaledi...Ho qadisa, a re shebeng seo letshwao la sebata le leng sona, le hore, “Na ho kotsi ho ba le letshwao lee? Na ho jwalo?” Jwale ho Tshenolo, kgaolo ya 14 le temana ya 9, ke molaetsa wa lengeloi la boraro. Jwale, moithuti e mong le e mong wa Bibebe...

²⁶ Ke bona Moena Stanley mona, le bareri ba babedi kapa ba bararo kapa ho feta ba dutseng ba leng teng. Mme bosiusng ba maobane ho ne ho e na le baena ba itseng mona ho tswa seminareng ya Baptise e Louisville, mme mohlolomong ho na le ba bang bosiusng bona. Ha ke tsebe. Mme mohlolomong ho na le Methodise, Baptise, Katholike, mme mohlolomong Mojode wa Thutamotheo [“Orthodox Jew”—Mofetoledi]. Ha ke tsebe. Empa ha se...

²⁷ Hona ha se ho hlabe hisa maikutlo a motho; le ho leka. Mme ke feela bakeng sa...Feela kamoo Bibebe e ngotsweng, ho E bala, le ho etsa hore o E shebe, ka bowena. Mme a re E atameleng ka ho phola kamoo re tsebang kateng, tshabong ya Modimo, tsebong ya hore O tla re ahlolela mantswe a rona. Mantswe a rona a tla re hlohonolofatsa kapa a tla re qosa Tsatsing la Kahlolo.

²⁸ Mme haeba ke utlwa hore ke tseba ntho, mme ke e kwetla, eba Modimo o tla etsa hore ke lefelle hono Tsatsing la Kahlolo; le meya ya batho ka matsoho a bona, a reng, “Moena Branham, hola wa re bolella, re ka be re se boemong bona kajeno.”

²⁹ Ke batla ho ema jwaloka Paulose wa mehleng, “Ha ke na molato mading a batho bohle. Hobane ha ke a ka ka tswafa ho

le borella morero wohle wa Modimo.” Ke hantle, kamoo ke E bonang kateng feels; mme haeba ke le phoso, jwale he Modimo o ntshwarele. Dintho tsena le ka mohla ha di tle... Ha ke a kena seminare efe kapa efe, ha ke a kena sekolo sefe, ha ke ‘so nke lenseswe la motho mabapi le Yona. Ke ile hantle feels Bibeleng, thapeleng. Mme hona ho senotswe ka Kgalalelo ke Moya o Halalelang, lona Lengeloi la Modimo le ntsamaisang ho bona dipono le jwalo-jwalo ka tsela eo, le phodiso ya bakudi. Mme le ka ahlola ka hono ho re E nepahetse kapa tjhe.

³⁰ Jwale, wona ke molaetsa wa lengeloi la boraro, ho lefatshe. Mme le a tseba ke eng, molaetsa wa lengeloi la boraro, o tswelapele jwale tsatsing lena. Hona ke ho fofa ha molaetsa wa lengeloi la boraro, haeba o le mmadi wa Bibele.

³¹ Ho bile le dikotsi tse tharo tse o latelang. Ya pele e etsahetse Ntweng ya Pele ya Lefatshe. Ya bobedi Ntweng ya Bobedi ya Lefatshe. Le bona seo re kenang ho sona jwale. Ho lokile. Re pheletsong ya tsela.

³² Jwale ha re beheng taba ena mohopolong wa rona, pele re bala Lengolo. Ho latela madulo, re tlamehile re be re le mongwaheng wa qetelo. Ho tla ya hakae? Ha ke tsebe; ha ho motho ya tsebang.

³³ Empa, bonang, a re nkeng ha re bua ho latela histori. Dilemo tsa pele tse dikete tse pedi, tsamaiso ya lefatshe ya fihlela sehlohlolo, mme Modimo wa timeletsa lefatshe ka metsi. Le tseba hono? [Phutheho e re, “Amen.”—Mongodi.] Yaba le hlahella jwaloka lefatshe le letjha. Mme dilemong tsa bobedi tse latelang tse dikete tse pedi, la fihlela pheletso ya lona hape, mme Modimo wa romela Jesu. Ho jwalo? [“Amen.”] Ena ke pheletso ya dilemo tse dikete tse pedi tse latelang, 1954. “Mme Evangedi,” Jesu o boletse, “mosebetsi o tla kgaolwa ha kgutshwane,” (bakeng sa eng?) “ka baka la bakgethwa, ho seng jwalo ha ho nama e ka pholoswang,” ho tla be ho le kgopo hona. Ka baka leo re nakong ya bofelo. Mme hape sa bosupa, papisong, ke Milleniamo, dilemo tse sekete.

³⁴ Jwaloka ha Modimo a sebeditse ka dilemo tse dikete tse tsheletseng, re a tseba dilemo tse sekete... “Tsatsi le le leng Lehodimong ke dilemo tse sekete lefatsheng,” Petrose wa Bobedi. Le a bona? Jwale, mme Modimo o bopile lefatshe ka dilemo tse dikete tse tsheletseng. Mme Kereke e sebeditse kgahlano le sebe jwale ka dilemo tse dikete tse tsheletseng. Mme keteng sa bosupa, Modimo wa phomola, wa phomola ka sa bosupa; mme, jwale, papiso ya Milleniamo, Kereke e tla phela mona lefatsheng, hantle mona ka sebopetho sa mmele, ka dilemo tse sekete, ho se bolwetse, ho swaba, bothata, kapa lefu. Mongwaha oo Oh, moholo, o tlottlehang o tlang jwale! Oho, bakeng sa hono! Oh, ke rata thoko eo:

Lefatshe le fehellwa, le llela tsatsi leo le
monate la tokollo,
Mohla Jesu a kgutlelang lefatsheng. (Ke rata
hoo.)

Sebe le hloreho, lehlaba le lefu la fatshe lena
la lefifi di tla fela,
Pusong e ntle ya kgotso lemong tse sekete le
Jesu.

Bibele e boletse, “Ba busa le ho laola le Kreste dilemo tse
sekete,” Milleniamo.

Jwale, molaetsa wona wa lengeloi la boraro, pejana ho ho
Tla ha Morena, nakong eo Tiiso le letshwao di behwang. Jwale,
ho tla ba le kgobokano e kgolo, kgobokano.

³⁵ Kwana Bophirima, nakong eo re tswang, ke ne ke tlwaetse,
haesale ho tloha ke sa le moshanyana, ke ne ke ya
kgobokanong ya Selemo e leng kgobokano ya ho Roba ha
ngwaha, ho ya dithabeng le ho theola makgomo. Mme hoba re
tlise makgomo wohle re ka a fumanang, ho tswa ka makgalo
wohle, re ntano tebela wohle a sa tshwa...ao e neng e se a
haborona. A rona a na le matshwao, mme a tshwauwe. Mme ha
o ka...

³⁶ Na ho motho ya kileng a bona ha ba tshwaya dikgomo?
Ehlile ke nthohadi ho ba shebella ha ba tshwaya makgomo. Ke
ne ke ye utlwele dithole bohloko. Mme ruri ke ditshila tse
nyonyehang ha ho qalellwa ka ho tshwaya dikgomo. Mosebetsi
wa ka e le ho futhumatsa tshepe e tshwayang, ho jara tshepe.
Le ho e beha hodima pohwana e robetseng mono, mme maoto a
yona a tlamilwe; mme ho bewe letshwao leo hodima yona, mme
boya le nama di hadikeha; ho sesetswe ka bokanyana ka
hodimo, e ntano lokollwa. Mme o bua ka ho tloseletsa! Ehlile e
a tloseletsa. Empa, bonang, e tshwailwe.

³⁷ Mme ke ka moo Modimo a sebetsang ka rona. O loketse ho
ya aletareng le ho holehwa-sa-kolobe, ho se hokae. Empa,
moena, hang feela ha Moya o Halalelang o ka beha letshwao
hodima hao, o ka matha ho se hokae le ho meketsa, empa o
tshwailwe. Ke hantle. O mono. Ha Monghadi a feta, O a tseba
hore wena o wa mang.

Empa, oho, ho leferena leo la selemo, thaka leo le
ahlolelwang ho kgutlisetswa hara tseo—tseo e seng tsa lesika.

³⁸ Jwale, nako ya ho tshwaya. Jwale ho tla ba le bakalli ba
babedi feela mona, e tla ba Modimo le Satane. Satane o tla nka
ba hae, le Modimo o tla nka ba Hae. Bosiung bona re tla bona
ba nkileng letshwao la Satane, mme hosane bosiu re tla sheba
ba nkileng letshwao la Modimo, ho latela Lentswe la Modimo.

³⁹ Jwale molaetsa wa lengeloi ke ona, temana ya 9 ya kgaolo
ya 14. Ho bala a mmalwa a Mangolo ana mona, ao ke a
ngotseng. “Mme lengeloi...”

Lengeloi la boraro la latela a mabedi ao, la re ka lentswe le leholo, Ekare ha motho a rapela sebata le setshwantsho sa sona, a nka le letshwao la sona phatleng ya hae, kapa...letsohong,

Le yena o tla nwa veine ya bohale ba Modimo, e tshetsweng e sa tswakwa senwelong sa kgalefo ya wona; mme...tla hlokofatswa mollong le sebaboleng pontsheng ya mangeloi a halalelang, le ya Konyana:

⁴⁰ Ruri ha ke batle ho amana le hono ka letho! Shebang.

Mosi wa hlokofalo o nyolohela kamehla le mehla: mme barapedi ba sebata le ba setshwantsho sa sona ba ke ke ba eba le kgotso bosiu kapa motsheare, leha e le ba amohelang letshwao la lebitso la sona.

⁴¹ Ha ke batle ho amana le hono ka letho, ruri. Eya. Utlwang temana e latelang, ke sa e shebile.

Ke moo ho tla bonahala mamello ya bahalaledi: e leng ba bolokang ditaelo tsa Modimo, ho ba le tumelo ya bona ho Jesu Kreste.

⁴² Jwale kgaolong ya 15, le temana ya 2. Le ya...Utlwang jwale, kgaolong ya 15 le temana ya 2. Jwale, re ne re bala ho tswa ho ya 14, le temaneng ya 9 nakong eo. Jwale ya 15, le temana ya 2.

La pele la ya, mme la tshollela nkgo ya lona lefatsheng; mme ba nkileng letshwao la sebata, le ba rapelang setshwantsho sa sona ba...bebe tse mpe tse bohloko boselesele.

Kgaolo ya 16 le temana ya 2.

Le seo marena a lefatshe a febileng le sona, le ba ahileng lefatsheng ba tahilweng ke veine ya bohale ba bootswa ba sona.

⁴³ Motsotso feela. Ke kopa tshwarelo. Ke phetlide, ke loketse ke be ke phetlide a mabedi a wona ka nako e le nngwe. Ke hantle. Jwale kgaolo ya 20 le temana ya 4. Ho lokile, ke rona bana moo re leng teng.

Yaba ke bona diterone, mme bao ba bang ba dula teng hodima tsona, mme ba filwe matla a ho ahlola: ka bona le meya ya bao ba kgaotsweng dihlooho ka baka la bopaki ba Jesu Kreste, le ka baka la lentswe la Modimo, le ba sa kang ba kgumamela sebata, leha e le setshwantsho sa sona, ba sa kang ba amohele letshwao la sona diphatleng tsa bona, le letsohong a bona; ba boela ba phela mme ba busa le Kreste dilemo tse sekete.

⁴⁴ O ke se amohele letshwao la sebata o ntano rapela Kreste kapa ho ba mmoho le Yena. "Empa ekare ha e mong a rapela

sebata leha e le setshwantsho sa sebata, o tla hlokofatswa pontsheng ya Modimo le potsheng ya mangeloi a halalelang.” Ke seo Morena a se bolelang mabapi le yona.

⁴⁵ Jwale re tla qala. Phetlang Bibeleng tsa lona kgaolong ya 13 ya Tshenolo, mme re tla qala metsotsong e mmalwa. Jwale taba ena e bohlokwa-hlokwa. Mme jwale theetsang tsebe.

⁴⁶ Pele, re batla ho qotsa theroy a rona ho tswa bosius ba maobane. Bosius ba maobane re ile ra nka mengwaha ya dikereke, hore, ka moo re boneng Jesu a eme hara Kereke ya Hae, “A bua ka modumo o kang wa metsi a mangata; mme A na le moriri o kang boyo; mahlo a kang dikgabo tsa mollo.”

⁴⁷ Hopolang, yohle e—e Tshenolo ke pono, mme e mokgweng wa setshwantsho. Taba tsohle tsa yona di na le seo di se bolelang, ka hona le loketse ho sheba hantle ruri. Balang baporofeta, shebang seo ditshwantsho di neng di se bolela, le ntano se bapisa mona le tle le tsebe hantle se neng se bolewa ke ditshwantsho.

⁴⁸ “A na le mahlo a kang dikgabo tsa mollo,” a yang a bile a boyo lefatsheng lohle. Mme ra fumana hore kgabo tseo, tse kang . . .” Disabole, sabole ya tswa molomong wa Hae, homme sabole e leoditsweng ka nqa tse pedi,” mme ra fumana ha hoo e ne e le Lentswe la Modimo le tswileng molomong wa Kereke. “Mme Le hlabo le ho fihla mokong wa lesapo, mme ke moahlodi wa mehopolo le merero ya pelo,” Baheberu kgaolo ya 4.

⁴⁹ Ra fihlela Kereke e eme mono ka botle ba Yona; Kreste a bopetswe feela ka ho Yona! Mme Kereke e ne e apere “kobo” e tshweu. Mme hlokomelang, E ne e le mosadi, “sefubeng,” A e na le senyepa se kwahelang dihleng tsa Hae; mme ho na le “senyepa sa gauta” se se tlamileng mono, se e tlameletse sefubeng. “Bosweu,” bo bolelang ho loka ha Kreste; mme “senyepa sa gauta” se lekanya Evangedi. Polelo ya Evangedi e bea Moya o Halalelang hodima Kereke, ho loka ha Kreste; ho e tlamella mono, ho tlamellwa ka kgwele, kgwele ya senyepa.

⁵⁰ Hape A eme hodima, “maoto a kang koporo, e hlenneng seboping.” Koporo e bua ka kahlolo e Kgethehileng. Mme Modimo, ho kgotsofatsa kano ya Hae e kgolo eo A anneng ka yona, A romela Kreste, mme Kreste a lefella kahlolo e Kgethehileng. Mme hape Kereke e theilwe hodima kahlolo e Kgethehileng, Kreste o E emetse. Ke setshwantsho se settle hakakang, “Ho ema hara Dikandelare tse Supileng tsa Gauta!”

⁵¹ Mme hape re fumana, mongwaha wa phutheho ya pele, seo ba bileng sona. Ba ba kae ba neng ba le teng mona maobane bosiu, nka bona letsoho la hao? Ho lokile, ke hantle. Mongwaha wa phutheho ya pele, re fumane, Mongwaheng wa phutheho ya Efese, ba bile le kolobetso ya Moya o Halalelang.

Mme ba kolobetsa batho metsing, mme ba na le... Mefuta yohle ya mehlolo le meeka e ne e loketse ho tsamaya le modumedi.

⁵² Hape le ka moo, mongwaheng o mong le o mong wa phutheho, E ile ya qalella ho rothofala. Kgetlong la bobedi, kgetlong la boraro, e ntano ba ho haola le mongwaha o lefifi. Mme ba tswa ka lebitso la bohata, ka kolobetsa ya bohata, ya metsi le ya Moya o Halalelang mmoho.

⁵³ Mme ba tla ba theoha jwalo, mongwaheng o latelang, mme ba ntano kgantsha ha nyenyane. Mme yaba ho behwa monyako, bakeng sa pulo, pakeng tsa Filadelfia le Mongwaha wa Phutheho ya Laodisea.

⁵⁴ Mme ba Laodisea ba eba fofa ba kgelohela hole kwana le Yona, ho fihlela Modimo a e hlatsitse molomong wa Hae. Ho lokile. Ke Lengolo leo.

⁵⁵ Mme ranalana e mong le e mong le modumedi e mong le e mong wa thutamotheo o a tseba hore Mengwaha eo ya Diphutheho tse Supileng, kapa "Dikandelare tse Supileng tsa Gauta," jwaloka ha Bibele e boletse, e ne e le Mengwaha ya Diphutheho tse Supileng. Jwalo feela ka dipapiso tsa Testamente ya Kgale ho e Ntjha mona, le jwalo feela kaha e tswile.

⁵⁶ Empa ho loketse ho ba le tshisinyeho e kgolo le tsoseletso pele nako ya Baditjhaba e fela, pele Bajude ba E nka hape.

⁵⁷ Hopolang, Baditjhaba ba lekanyeditswe, nako e itseng bakeng sa mohau. Bibele e boletse, "Ba tla hatikela marako a Jerusalema," Jesu o boletse, "ho fihlela nako ya Baditjhaba e fedile." Ke hantle. E beetswe nako e tiileng ya ho fela.

⁵⁸ Mme re fumana dintho tseo ba di entseng morao mono. Re hlokomela meeka le mehlolo e neng e ba latela, ho ya kamoo Kreste a ba boleletseng ka mokgwa oo e neng e babatseha kateng, le ka moo ba neng ba le kateng. Yaba Lesedi le qalella ho rothofala le ho rothofala, la tima. Mme hantle feela ho ella ho kwaleng, ho n'o loketse ho ba le monyako o mong hape o beilweng o buletsweng Kereke. Jwale a re emeng hantle mona pele re kena ho yona. Hlokamelang, a re qotseng seporofeto se seng se fihlang kelellong ya ka. Moporofeta o boletse, "Ho tla ba le letsatsi leo e ke keng ya eba bosiu kapa motsheare."

⁵⁹ Na ke hweletsa haholo? [Phutheho e arabela, "Tjhe."—Mong.] Ha le ka kgona, le ka sotha nthwana eo... Ke a tseba le a kgutlela, mme ke ka hoo ke batlang ke bua haholwanyane, hore batho ba ka morao, ba be le bonnete ba hore ba e utlwa. Hoba, Hona ho hlokolosi haholo.

⁶⁰ "Mme ho tla tla nako, letsatsi," moporofeta o boletse, "leo e ke keng ya eba bosiu kapa motsheare." Ka mantswe a mang,

lesedi le tla ba teng, empa maru a tla be a thibile, le a bona, letsatsi le nang le maru. “Empa Lesedi le tla ba teng nakong ya mantsiboya.” Ke setshwantsho se setle ha kakang!

⁶¹ Jwale, ha mafube a tsatsi lena le thibilweng ke maru a hlaha, hoo ho bolela hore ho tla ba le dintwa, matshwenyeho, le meepa-le-metheo, dinako, le dikereke, le mekga, le ntho e nngwe le e nngwe. E ke ke ya ba lesedi kapa lefifi. E tla ba nako eo re tla tseba hore Modimo o teng, le hore Evangedi e teng, empa feela ba sa kgone ho sheba ka Yona. Le tseba seo ke se bolelang? Ba tla re, “Bibebe e boletse ha ba entse *hono* morao mane ka Pentekosta, ba entse *hono* Kerekeng ya pele, ba ne ba na le mehlolo ena le meeka, empa kereke ya rona—rona ha e rute Hono.” Le a bona, maru a thibile, ha se bosiu kapa motsheare. “Empa, ehlile, re dumela ho Jesu Kreste. Re dumela ho Tla ha Hae la bobedi, mme re a tseba O a tla.”

⁶² Bibebe e boletse, “E ke ke ya ba lesedi kapa lefifi.” Ho n’o ke ke ha thwe ke motsheare, ho n’o ke ke ha thwe ke bosiu. Empa, hlokomelang, “Lesedi le tla ba teng nakong ya mantsiboya,” nakong ya mantsiboya!

⁶³ Nakong eo batho ba botjhabela... Buka ena ke Buka ya botjhabela; ho jwalo Bibebe. Ha Lesedi le ne le tjhabela Kereke ya pele, mane Efese, tjhe e, re sa hopola homme re bone se etsahetseng mono; Lesedi la Modimo le tlisitsweng ke Jesu Kreste, ka tsholoho ya pele ya Moya o Halalelang. La tlisa Lesedi lefatsheng lohle, le ho ngola Bibebe. Na ho jwalo? [Phutheho, “Amen.”—Mong.]

⁶⁴ Jwale O tshepisitse, lefatsheng la bophirima, letsatsi le tjhaba botjhabela, tshimolohong ya nako ya mohau, mme jwale letsatsi le dikela bophirimela, bathong ba bophirima. Rona re batho ba bophirima. [Moena Branham o kokota sefaleng hararo—Mong.] Mme O tshepisitse hore tsoselotso e tla ba teng le hore Lesedi le tla ba teng nakong ya mantsiboya. Re fihlile mona. Lesedi le tjhabile, “mme lefifi ha le Le lemohe.” Ke moo. “Batho ba rata diketso tse mpe ho feta kamoo ba ratang diketso tse ntle.”

⁶⁵ Empa jwale le mothating wa ho kodumela ka morao ho mola-pono [“horizon”—Moft.] kwana. Mme Lesedi-nyana leo re nang le lona, itshwarelleng ho Lona. Bonang, Ke lona letsatsi le tjhabileng kwana ho Bajude, le dikellang Baditjhaba mona. Mongawaheng wohle mona, dilemong tsena tse dikete tse pedi, ba ne ba na le *hona*, le *hwane*, le mekgatlo le makgathe, le *hona* le *hwane*. Mme batho ha ba tsebe moo ba emeng.

⁶⁶ Empa Bibebe e a tshepisa, Modimo e, ka moporofeta, ho re, “Lesedi le tla ba teng nakong ya mantsiboya.” Lesedi le tla ba teng nakong ya mantsiboya. Ke a dumela re mona. Letsatsi le a dikela. Tlhaho yohle e a fehelwa, e tsetselela tsatsi leo. Hlokomelang.

⁶⁷ Jwale re fumana, ho re, seo ba bileng le sona mongwaheng ona oo wa phutheho ya pele, ba e na le thuto e sele. Tabeng ya pele, ya fetoha “diketso” tse itseng feela. O ile a re, “O hloile diketso tsa Banikola.”

⁶⁸ Ke a ipotsa na Banikola e ne e le eng? Yaba ke a e hlahloba, le hisetoring, hape le hape le hape, ka ditlaleho tse kgabane ka ho fetisisa ke neng nka di fumana, mme ha ho mang ya tsebang, ntle le hore e ne e le thuto e qadilweng ke monna ya itseng, Nic, Nikolase, eo e neng e loketse ho ba e mong wa baapostola ba ileng ba kgeloha. A itlhomena tumelo, kapa ntho e itseng ya ho reng, mme ho tswa moo ha qaleha Banikola. E le diketso, pele. Mme seo e neng e le “diketso” Efese, mongwaheng o latelang sa fetoha “thuto.” Mme ya ntano kena hlorisong ya mengwaha e lefifi.

⁶⁹ Jwale yona thuto eo ya Banikola e qadileng mona phuthehong ya pele, ka morao ho makgetlo a pele a mararo kapa makgetlo a mane a baapostola, ya fetohela diketsong. Ba qala ba nahana, “Tjhe e, ena e tla ba Yona.” Jwale kaofela ha lona le tseba ka moo e tswileng, le lona babadi ba Bibele.

⁷⁰ Jwale, mohlomong e qadile ka A.D. 600 le... kapa 306, seo ba se bitsang tshokolo ho ya Konstantite. Le ka mohla ha ka sokoloha. Thaka le neng le ka etsa dintho tse ditshila jwalo ka ha monna eo a entse, o na sa sokoloha. Ke hantle. Ntho eo a kileng a e etsa, e ne-na le borapedi ba letho—letho ho yona, a hloma sefapano kerekeng ya Mohalaledi Sofia. Na eo e ne e se taba, ho ya Lehodimong ka baka la yona? Ke hantle. A bolella Bakreste, hore ha a ne a ka hlola ntwa eo, etlaba Mokreste. Mme ba rapela. Mme a tswa a hlola ntwa, kapa ho hlola ntwa, mme a kgutla a re, “Tjhe, ke tla ikopanya le kereke.” Papiso e ntle ya setho se fofo sa kereke kajeno. Ke hantle. A hloma sefapano hodima kereke.

⁷¹ Ka morao ho lefu la hae... O na e na le bara ba babedi, bara ba bararo; Konstantine, Konstantise, le Konstantinopole, e leng ho qadileng ho bopa Roma ya botjhabela le e bophirima, mme tsa arohana. Mme mono, he, tsa fetoha Mmuso wa Ottoman, nakong e kang eo.

⁷² Mme, bao, mohlomong lekgetlong la bobedi, kapa lekgetlong la bone la baapostola; mme ntho ya pele le a tseba, yaba ba qalella ho tsekisana mahareng a bona. Mme ba kgaohana, mokga o monyenyanne.

⁷³ Motho ka mong, nka kereke... Teng mono, ha kereke eo ya Wesele ya Methodise e sa na le matla, e na le matla ha John Wesele a na le mona. Ho bile jwalo ka Luthere, tsatsing la yona; le e nngwe le e nngwe. Empa ere feela mothei a shwe, hang, ebe ba kgeloha.

⁷⁴ Ha Morena a ne a hlaha morao kwana pele; ha ba ne ba batla hore ke qale, ho bopa mokgwatlo ka Hona, jwalo-jwalo

ka mokgwa ona. Ka na ka nyolohela mono, mme ka bona Dwight Moody, mothei e moholo, Mokgatlo wa Bibele wa Moody. Mme ka nahana, "Ha Dwight Moody a ne a ka bona Mokgatlo ona wa Bibele; seo monna eo a neng a se emetse, le seo ba se etsang jwale!"⁷⁵

⁷⁵ Tjhe, ka re, "Bonang mona, bonang, ho ka thweng—ho ka thweng hola Wesele, Calvin, Knox, Finney, Sankey, kapa Finney, e mong le e mong wa bona, a na ka tsoha kajeno, le ho bona moo kereke tsa bona di leng teng!" Oho, banna! Le a bona, kgetlong la pele, nakong eo monna eo a emeng mono, o tshwere Nnete.

⁷⁶ Shebang Ngaka Dowie wa Motse Sione, kgele, kajeno, ba tsheha phodiso ya Kgalalelo pontsheng, hodima e—e motse oo o theilwe hodima yona. Empa ha Dowie a na shwa, yaba ho tla eng... Blake, John Lake le bao bohle. Mme he, ntho ya pele le a tseba, e sothahane jwale, ho fihlela Asembolise ya Modimo e kene ho yona, esita le sekgakgatha sa ditho tse tsepameng le ntho e nngwe le e nngwe. Mme e—e ho fedile ka kereke e ngalahile, mme e boemong bo nyarosang.

⁷⁷ Ka baka leo ka fumana taba ena, Bibele e boletse, "Davida a sebeletsa Morena hantle molokong wa hae."

⁷⁸ Ka baka leo ka re, "Morena ha ke batle mokgatlo wa letho. A nke ke O sebeletse ka pelo yohle ya ka, ha ke sa ntse ke phela mona." Ke hantle. "Ntho e latelang, O tla fumana motho e mong ha ke se ke ile. O tla fumana motho e mong ho nka sebaka sa yona." Ke phetho.

⁷⁹ O se leke ho haha hodima ntho e itseng. O ke ke wa besa mollo mobung o le mong. Israele e ne e loketse ho dula e le leetong. Ha ba ne ba ema, ba ile ba wa. Ba ne ba loketse ho dula ba tsamaya bosiu bo bong le bo bong; ho besa mollo o motjha bosiu ka bosiu; ho dula ba tswella feela. Mme ke seo re loketseng ho se etsa. Seo Luthere a bileng le sona se ne se lokile; e ne e le bakeng sa tsatsi la Luthere. Seo Wesele a bileng le sona; leo e ne e le tsatsi la Wesele. Seo batho ba kgalalelo ba bileng le sona, se ne se lokile; e ne e le tsatsi la bona. Re phela tsatsing le leng. Jwale re—re tswela pele. Mme ha ho ka tla letsatsi ka mora rona, e tla be esale ho tshwana. Empa a re tsamayeng Leseding ha Lesedi le sa le teng mona jwale.

⁸⁰ Mme ke hlokomela taba ena, ho re, ka hare ka mono thuto ena e a fetoha, ntho ya pele le a tseba, ho fihlela e—ba sehlopha sa mekga, yaba Baroma ba sokollwa. Jwale, mmuso wa Roma, ho tloha matsatsing ao—ao Roma e neng e nka taolo pele le ho hapa lefatshe la Baditjhaba ho Bagerike, hoba Aleksandere e Moholo a we, ebile setjhaba se laolang sa lefatshe; batho ba Roma, mongwaha wa Baditjhaba. Daniele o itsalo, ponong. Re tla fihla ho yona, moo—moo metsotsong e mmalwa. Esale e na le matla a renang hodima lefatshe; Roma.

⁸¹ Mme hape re fumana hore mono, he, ba ile ba hlaphisa kereke. Sehlopha sa batho sa kopana, mohlomong ka 606, mme ba ipitsa, “baholo ba pele,” bontata kereke. Dihlopha tsa banna tsa kopana mme ba rerisana hodima seo ba tshwanetseng ho se etsa, mme ba hlaphisa mokgatlo.

⁸² Mme a nke ke bolele mona, metswalle ya ka ya Bakreste ba ratehang, Protestanta le Katholike mmoho. Mme jwale, ke a kgolwa ke na le metswalle ya Katholike e dutseng mona; ha ke bolele hona ho thonkga maikutlo a lona. Hoba, mamellang metsotso e mmalwa feela, mme re tla kenyaletsa Tabernakele ya Branham le yona, le a bona, motsotso feela. Re loketse ho bolela Evangeli jwaloka ha E beilwe mona. [Moena Branham o kokota sefaleng ha hlano—Mong.] Ho sa tsotelehe hore ke hokae...Johanne o itse, “Selepe se se se beilwe motsong wa sefate,” a diphatsa di fofele moo di batlang. Ke hantle. O tshwanetse ho ratha difate le dintho.

⁸³ Empa, bonang, teng mono ba hlaphisa kereke ya pele. Mme ba kopana le ho hlaphisa kereke ya pele, e ileng ya bitswa kereke e ka lefatseng lohle, kapa kereke ya Katholike mane Roma. Mme Katholike e re yona ke, “mma dikereke.” Mme ke nnene ruri. Ke mma dikereke tse hlaphisitsweng. Ka nepo. Kgetlo la pele, nalaneng yohle ya lefatshe, moo ho kileng ha ba le kereke e hlaphiswang; ha ho eso etsahale, haesale ditshiu di qala.

⁸⁴ Meh leng yohle ya Iseraele, bao e ne e se—bao e ne e se mokgatlo. E ne e le morabe, e seng mokgatlo. Mme bao...Jesu Kreste le ka mohla ha eso hlaphise kereke. Ha ho le e mong wa baapostola ya hlaphisitseng kereke. Mme ha ho nako ho theoha jwalo, ka morao ho meloko e meraro kapa e mene ka mora bona, moo ba kileng ba hlaphisa kereke. Ke batla o tlise hisetori mme o supe ka monwana wa hao... Mpontsheng moo e leng teng. Mme ke badile Josefase esita le boranalana bohle ba tswileng ka mahetla bao re nang le bona lefatsheng kajeno, bao ke ba tsebang, hoba ke tshwanetse ho ba le bonnate. Ke hlahisa puo ena pontsheng ya dikete tsa batho; o loketse ho ka kgona ho tshehetza le ho kgodisa seo o buang ka sona. Ke hantle. Ha ho eso be le mokgatlo. Mme e seng...

⁸⁵ Mme Mohalaledi Petrose ha a ka a thea kereke ya Katholike. Ke batlana le hisetori e le nngwe, kapa serapano se le seng sa Lengolo. Mohalaledi Petrose e ne e le monna ya nyetseng. Le itse e ne e le mopapa. E ne e ke ke ya e ba mopapa. Petrose e ne e le monna ya nyetseng. Bibele e boletse, “Mohwehadi wa hae o na robetse a kula ke—ke feberu e bohale, mme Jesu a mo fodisa.” Mme ho ya kamoo ke tsebang, Mohalaledi Petrose ha eso fihle Roma. Mme ha ho ketsahalo tse kileng tsa bontsha hore o kile a fihla Roma. Mme hoo ke phoso.

⁸⁶ Empa ba hlaphisa mme ba thea ho kopanya kereke e bitswang kereke e ka lefatsheng lohle. Mme moo ba rala thapelo ya lefatshe. Ba na le kutlwano e phethahetseng; motho e mong le e mong a loketse ho kopana mmoho, motho e mong le e mong o bua taba e tshwanang. Ha rapelwa thapelo e le nngwe.

⁸⁷ Mme ba etsa sehlopha sa Mangolo, ba a tlosa Bibeleng, bongata ba wona, le ho etsa a mang. Ha ho pelekatori e tlalehwang direkotong tsohle tsa Dibuka tse kgethehileng tsa Bibele; ha ho “boAhe Maria,” le letho le kang leo. Kamehla e a thulana, e kgahlano le yona, hohle Lengolong. Ha eso be teng, le ka mohla. Mme ha o ka fumana sebaka sefe kapa sefe, o na le monyetla wa ho tla hosasa bosiu le ho ntokisa. Ha se yo, ha ho sebaka; tloo le moprista wa hao kapa moruti. Ha ho sebaka, Lengolong, moo e kileng ya lhahiswa.

⁸⁸ Bukana feela, ya Makabise, e kileng ya ekeletswa Mona, e leng e sa tlang ka tshusumetso; dintho tse ileng tsa kenngwa Mona, kapa ho ntshwa Mona. Bibele *Ena* ke Yona feela. Yona... E hlomphilwe ke bathei ba ho qala, kapa mang feela wa borahisetori ba ho qala ba kereke, kapa nakong efe feela ya Bajude ba Thutamolao, mme ha ba ka ba hlompha letho haese Bibele ena eo re nang le yona kajeno.

⁸⁹ Jwale, hape he, tabeng eo, mamedisisang jwale. Jwale le nahana hore Makatholike a shasharwa? Motsofso feela, le a bona.

⁹⁰ Jwale, yaba ba hlaphisa kereke ya Katholike, mme ba qalella ka hlorriso, ba tle ba... Le ne le loketse ho etsa hore motho e mong le e mong, hohle, kereke le mmuso, di kopane hammoho, le ho kenya Roma ya mopapa ho tswa ho Roma ya bohetene. Ka mantswe a mang, ho tswa ho tumelo-kgwela ya bohetene, ba hlomamisa Bokreste ho latela sebopoho seo e leng sa bona ka sebele. Le a bona? Ba sa kgone ho utlwisia hobaneng motho a ka ema mme a rapele ntho e siyo. E ne e le bahetene, ka baka leo ba theola feela Venuse le ho bea Maria; ba theola Jupitere, ho bea Petrose; ho rapela seseto sa mofuta o itseng. Jwale, homme ba ne ba ntse ba rapela pele ho moo. Mme ba rala thapelo ya lefatshe, ho e bolela ka Selatini e tle e se ke ya hlolleha, le jwalo-jwalo, ba tle ba bolele ntho e tshwanang ka mehla.

⁹¹ Mme o ke ke wa qoqa kapa ho phehisana le moprista wa Katholike, kapa le eo e seng Mokatholile, hodima motheo wa Bibele.

⁹² E mong o na dule, moprista ya motjha tlase mona, o na dutse ka tlung yaka mohla monene feela. A re, “Lona Maprotestanta, le bala Bibele mme le ntano dula hae. Rona Makatholike re ya kerekeng mme re a rapela.”

Ka re, “Empa ke eng? Ke yona. Jwale nkarabele mono.”

A re, "Modimo o ka kerekeng ya Hae."

⁹³ Ka re, "O...Ha ho lethebana la Lengolo le rialong." Ka re, "Modimo o Lentsweng la Hae. O boletse, 'Nnete e be ya Ka mme batho bohole ba be leshano."

⁹⁴ A re, "Na ha o nahane hore sehlopha sohle sa banna, ka ho eletsana hammoho, ekaba boholo bo fetang monna a le mong feela?"

⁹⁵ Ka re, "Tjhe. Ha motho a le mong a le thatong ya Modimo, o tshwere Nnete." Ho pakilwe jwalo ka mehlā.

⁹⁶ Jwaleka Josafate le Mikea, thuto eo re neng re e tshwere tsatsi le leng, Sontaha sa ho feta, ha Mikea a ne a nyolohela mono. Mme bareri ba makgolo a mane ba ema, ka le reng, "Nyoloha! Morena o na le wena. Nyoloha! Morena o na le wena."

Josafate a re, "Na ha ho sa na e mong hape mona?"

A re, "Mikea o teng, empa ke mo hloile."

Ha thwe, "A re utlweng se bolelwang ke yena."

Ho re, "Nyoloha, empa ke bone Iseraele e qhalane jwaleka dinku."

Ho re, "Na ha ke a ka ka le bolella?" Le a bona?

⁹⁷ Ka baka leo, ke mang ya neng a nepahetse, mono? Haele moo baporofeta ba makgolo a mane ba kwetlisitsweng ba ema pela monna, mme leha ho le jwalo mothethehinyana ya halalelang ya kgohlahetseng ya emeng mono morao o na tshwere nnete. Ke hantle. Ke nnete. O ho entse. O na tshwere nnete. A phobolwa molomo mme a otlwa, empa a na le nnete.

⁹⁸ Ka hona, ha ho etse taba hore na ke ba bakae ba bolelang *sena*, kapa ke ba ba kae ba buang *sane*, ke seo e leng HO RIALO MORENA. Ke nnete. O tla tlameha ho ema ka bowena, hangata, ha o ema Lentsweng la Modimo, empa etsa bonnete ba ho ema ho seo Morena a se boletseng.

⁹⁹ Jwale, ba hlophisa kereke ena, mmele o moholo, kereke ya Katholike, e leng e laolang tumelong tsohle, kajeno, sedikadikweng sa Bokreste, ke Bokatholike. Empa ba re, "Ha o hloke...Ha re..."

¹⁰⁰ O ka re, "Le ho thola kae 'ho ila nama'? Le thola kae 'moprista ha a nyale'? Le ho thola kae hona?"

¹⁰¹ Ho re, "Ha re rute Bibebe." [Moena Branham o kokota sefaleng makgetlo a mmalwa—Mong.] Ho re, "Lentswe ke la kereke. Ho sa tsottelehe seo Bibebe e se buang; ke seo kereke e se buang."

¹⁰² Empa Modimo o boletse, "Nnete ebe ya Ka, mme batho bohole ba be leshano." [Moena Branham o kokota sefaleng hararo—Mong.] Jwale o loketse ho nka kgetho ya hao.

¹⁰³ Jwale, boNikola ba fetoha thuto, ya ntano ba hloriso. Jwale, ke ena e hlahella matsatsing a qetelo. Yaba ho hlaha qanthane, mengwaheng e lefifi le hloriso; yaba ba fihlelwa ke ho tela, hlabollong ya pele, eo e neng e le Martin Luthere. Martin Luthere a hanetsa kereke ya Katholike, ka hona hoo a tswa teng mme a nka selallo . . .

Mme ba ne ba re, “Wona ke mmele wa Kreste.”

¹⁰⁴ A re, “Ha se mmele wa Kreste. Ke thajana ya bohobe. Ke pheto seo e leng sona.”

¹⁰⁵ Ba dumela hore ke eukariste e halalelang, e leng ho re, “*Eukariste e halalelang* ke ho bolela ‘Moya o Halalelang.’ Mme ha o ja hono, o kenya Moya o Halalelang mmeleng wa hao.” Homme taba eo e fosahetse.

Moya o Halalelang ke kolobetso ya Moya.

¹⁰⁶ Ha ho thwe, “Tsatsi la Pentekosta ha le se le fihlile, moprista a tla ba jesa eukariste e halalelang, thajana lelemeng la bona.” Kapa ha ho thwe, “Moreri ya itseng a atamela mme a ba hasa ka metsana le ho tsukutla matsoho a bona,” le hona. Tjhe, monghadi.

¹⁰⁷ “Empa ha fihla modumo o kang wa moya o fokang ka sefeho ho tswa lehodimong, ntlo yohle eo ba dutseng ho yona ya ba ya tlala wona.” Ke Lengolo leo. Ke sona se lokileng. Ke sona se etsahetseng Kerekeng eo, mme ke sona se etsahalang ha Lesedi le bonesa tsatsing lena. Mono ke hona moo Lesedi le ileng la tjhaba; mme mona ke hona moo Lesedi le tjhabang teng mona.

¹⁰⁸ Jwale Lengolo lefe kapa lefe, ke rialo, haeba le botswa, bea taba eo feela hodima . . . Ke tla le fa sebaka moo le leng teng, le a bona, ka Lengolong. Ke hantle haholo. Hoba, nakong e kang ena . . . Ka tlwaelo, ha re Le sesefa, re nka diveke le dikgwedi. Lengolo le leng le le leng feela, ho theoha le lona, ke re batho ba tshware Bibele tsa bona. Empa, empa haeba Le botswa, le ke le ntsebise. Ke hantle.

¹⁰⁹ Ya e-ba, Martin Luther. Yaba, ka mora Martin Luther, ho tla John Wesley.

¹¹⁰ Martin Luther a tswa ka katekisima, dintho tse ngata. A tla ka kolobetso, a tla a fana ka kolobetso e borarong bo bong, ya botrintase e neng e-so ka e rutwa ka Bibeleng, e sa kang ya rutwa ka Bibeleng. Ha ho motho ya kileng a kolobetswa ka kolobetso ya bohetene ya botrinitase, ka Bibeleng. Ha ho le jwalo, tloo mpontshe moo e leng teng. Ha e yo.

¹¹¹ Tsela e le nngwe feela eo ba laetsweng ho kolobetsa, e ne e le, “Eyang ke hona le rute ditjhaba tsohle,” O boletse morao mono, “mme le ba kolobetse Lebitsong [‘into the Name’—Moft.],” e seng ka lebitso [‘in the name’—Moft.], “Lebitsong; Ntate, Mora, Moya o Halalelang.” Mme baapostola

ke bana ba kgutla mme ba kolobetsa motho e mong le e mong ka Lebitso la “Jesu Kreste,” le ho, laela hore ekareha e mong a kolobeditswe ka mokgwa o mong o sele, o na loketse ho tla kolobetswa hape pele ba ka fumana Moya o Halalelang. Mme ke mona ho hlaha kereke ya Katholike...

¹¹² Ntshang sebaka se le seng Bibeleng moo motho mang kapa mang a kileng a kolobetswa ka lebitso la “Ntate, Mora, Moya o Halalelang.” Ke tab’e siyo, ha ke re? Bosiu ba Moqebelo ke bosiu ba dipotso, ke tla e nka, re tla e nka re e otolle. Ke hantle. Ke hantle. Ke batla motho mang kapa mang ya ka mpontshang sebaka se le seng moo motho mang kapa mang a kileng a kolobetswa ka lebitso la “Ntate, Mora, Moya o Halalelang,” ke tla tloha sefaleng mme ke re ke moikaketsi. Motho mang kapa mang ya neng a kolobeditswe ka tsela e sele feela, o na loketse ho tla le ho kolobetswa hape ka Lebitso la “Jesu Kreste,” ho fumana Moya o Halalelang. Ke hantle ruri. Ke seo Bibele e se boletseng.

¹¹³ Jwale, le a bona, re lemaletse ho nka kgopolotaba ho e na le Nnete. Jwale o shebe Lengolo. O se ke wa bua, wa re, “Tjhe, Moena Branham o boletse hore.” O shebe Lengolo hona jwale. Nka bukana ya hao ya mantswe [“concordance”—Moft.] mme o e shebe. Mme hang feela...

¹¹⁴ O hlokomele, o mong le o mong wa mengwaha eo ya diphutheho e ne e nkile Lebitso la Hae, ho fihlela o feta hara mongwahé ona o lefifi wa phutheho.

¹¹⁵ Mme, bonang, taba eo e bapisa e—e kereke ya Molao morao kwana. Ha mongwaha o lefifi ka ho fetisia o se o kene, wa Bajude, ke nakong eo Akabe, a neng a se kotsometse ka mora—ka mora morena e moholo ya tlileng pele ho yena; mme pele ho moo, a tshwere Iseraele boemong bo bottle. Mme Akabe a kena jwaloka modumedi wa moedi, boemo bo fofo, mme a tswa a nyala kgosatsana ena, Jesebele, eo e neng e le mosebeletsi wa medingwana, le ho mo kenya kahare, mme a kenya tshebeletso ya medimo Israaeleng. Na ha le hopole hono? Papiso e ntle ruri.

¹¹⁶ Mohla Protestanta e ne nyalwa boRomeng, hape ba kenya tshebeletso ya medimo Bokresteng, mongwaheng o lefifi; hantle—hantle, ho latela thutafatshe.

¹¹⁷ Jwale elang hloko nakong eo e neng e kena ka lehlakoreng lena. Mona le fumana eng? Phapanyetso ya Moya o Halalelang; thajana ya bohobe. Phapanyetso ya kolobetso ya metsi ya Lebitso la Jesu Kreste; Ntate, Mora, Moya o Halalelang. Ba fapanyetsa ntho e nngwe le e nngwe. Nka qotsa mme ka kgodisa ka Lengolo; phapanyetso ka mora phapanyetso.

¹¹⁸ Mme Martin Luthere a dumellana le yona. John Wesley a tla hantle ka ntho yona e tshwanang, le ho dumellana le yona.

Ha ho e-so be le motho le ka mohla, ka Bibeleng, ya kileng afafatswa. Ha ho e-so be le ntho e kang eo. Ha ho e-so be le ntho e kang eo ka Bibeleng, ha ho thomo kapa taelo hodima yona ho hang, empa le a e dumella. Ke hantle. Le a e dumella. Ba tswa ba nka nthwana ena ya ho tsukutla letswai le ho lefafatsa ka lona. Hobaneng? Ke Kereke ya Katholike e qadileng hona, mme le a ho kgumamela. Ka sebele.

¹¹⁹ Thaka le leng la na la re, tsatsi le leng, ho re, “Wena ha o . . . Wena, o mpa o se Mokatholike feela. Wena o . . .”

¹²⁰ Ka re, “Tjhe, moena. Ke Moprotestanta. Ke hanetsa ntho eo.” Ke hantle. Jwaloka mmoledi wa Evangeli, le ka bana ba Modimo jwaloka bonkgetheng ba ka mona, ba Lehodimo, mme ke loketse ho ba rerela le ho dula ka pela bona jwaloka moruti ka mehlolo le meeka, nka ba moikaketsi haeba ke ne ke sa emela taba e lokileng. Ka re, “E, monghadi. Ke tla ema, leha taba eo e mpolaya. Ke tla ho etsa. Ke—ke tla ruta seo e leng Bibebe feela.”

¹²¹ Mme ke ikemiseditse, nakong efe kapa efe, ho E qoqa le motho ofe kapa ofe, le a bona; ekaba mopapa wa Roma, kapa moarekabishopo, kapa motho mang feela. Le a bona? E, monghadi. Ke hantle. Ha ke le phoso, tl'o mpontshe. Jwale, ha ke a fosa, hoba ke qotsa Lengolo. Wena . . . Nke ke ka nka bukana ya hao. Ke ena Bukana ya sehlooho, hantle mona. [Moena Branham o kokota sefaleng hane—Mong.]

¹²² Jwale, he, le a hlokomela, ba qala ba hlahella ka dintho tsena tse tsepameng.

Jwale, matsatsing a qetelo, ho tla tla hloriso.

¹²³ Jwale mono, mohlomong, Tshenolo kgaolong ya 13 jwale, ho qala ka yona. Jwale ha le ka hlokomela, tlase kgaolong mona, ho thwe, “Ka tadima, mme bonang, Konyana e ne e eme thabeng ya Sinai . . .” Tjhe, ntshwareleng, ke temaneng e phoso, kgaolong a phoso, ya 14. Kgaolong ya 13:

. . . *Ka ema mabopong a lewatle, yaba ke bona sebata se tswang lewatleng, se nang le dihlooho tse supileng le dinaka tse leshome, dinakeng tseo se ne se rwetse meghaka e leshome, mme dihloohong tsa—tsa sona ho ne ho ngodilwe mabitso a nyefolang.*

¹²⁴ *Nyefolang ke eng?* Ke “ho soma, ho tlaka, ho bua ka yona.” Jwale hlokomelang, se ne se na le “dihlooho tse supileng, dinaka tse leshome.” Mme le hlokomele hore “se tswa lewatleng.” Jwale Tshenolo 17, lona ba a ngolang fatshe, 17:15, e boletse hore hono—hore hono *metsi* a emetse “bongata le matshwele a batho.” Ka baka leo *sebata* sena se emetse “matla, matla a bokgopo.” Sebata se harolang sa tswa hara batho, mme sa ema lebopong la lewatle. Yaba ke bona sebata . . .”

Sebata seo ke se boneng se ne se tshwana... le lengau,... maoto a sona e le maoto a bere,... molomo wa sona... molomo wa tau: mme drakone ya se fa matla a yona, le terone..., le borena bo boholo.

¹²⁵ “Drakone!” Re na le dintho tse pedi tseo re loketseng ho di nkela hloohong jwale. Bonang sebata sena. Se ne se na le dibopeho tse nne tse fapaneng ho sona.

¹²⁶ Mme ha o ka nka Daniele wa 7, lona ba a tshwayang, Daniele wa 7. Daniele o bone pono e tshwanang, dilemong tse makgolo a robedi pele ho mona, o bone pono eo. A bona dibata tseo, di arohane, se seng ho se seng, qalong ya puso ya Baditjhaba.

¹²⁷ Mme ke tsena moo di leng teng, Johanne o a e bona, homme pheletsong ya mmuso wa Baditjhaba, dibata tseo bone ba tsona di emetswe ke se le seng. Wona matemona a le mang, matemona a neng a laola mmuso o mong le o mong wa Roma, ho theosa jwalo ho tswella, le Bagerike, le jwalo-jwalo, ho theoha jwalo le lekgatthe la Baditjhaba, di tlide hantle mme tsohle tsa kopana kahara sebata se le seng. Re tla se fumana, ka ho otloloha, mme re bone hore ke mang. Ka sebele. Tseo tsohle, lengau, tau, hoo hohle, drakone. Ke ba bakae ba tsebang hore drakone ke eng? *Drakone* e emetse “Roma.” Eya bo.

¹²⁸ A re—a re baleng hono. Hono, eka ke ntho eo le ipotsang yona kelellong tsa lona. Mpheng Tshenolo kgaolo ya 12, motsotso feela mona. A re shebeng mona, Tshenolo 12. Jwale bonang.

Yaba mohlolo o moholo wa hlaha lehodimong; e le wa mosadi...

¹²⁹ *Mosadi* o tshwantshang? “Kereke.” Enwa ke—enwa ke monyaduwa mona. Ena ke kereke, kereke ya nnete.

...mosadi ya apereng letsatsi, kgwedi e le tlasa maoto a hae,...

¹³⁰ Bonang, kgwedi tlasa... “Letsatsi hloohong ya hae, le kgwedi tlasa maoto a hae.” *Letsatsi* e ne e le “nako ya mohau.” Mme *kgwedi* e le “nako ya molao.” *Mosadi* e le “kereke ya Molao,” mme a eme hodima molao. Molao o ne o feta, hoba molao e ne e le seriti sa dintho tse molemo tse tlangu. Na ho nepahetse? Kgwedi e mpa e le seriti feela, sa letsatsi se hadimang se bonahala kgwedding (na ho jwalo?), ho etsa kgwedi. Mme molao o ne o le tlasa maoto a hae; a se a phetse a fetile tsatsi leo. Mme hlokamelang kamoo a neng a apere kateng mona jwale.

...le tlasa maoto a hae, a rwetse hloohong mofapahlooho wa dinaledi tse leshome le metso e mmedi: (Kereke e rwetse mofapahlooho wa Thuto ya baapostola ba leshome le metso e mmedi, le a bona.)

E ne e le moimana, mme a howa a setse a le pelehileng, . . . a utlwa bohloko ba ho beleha. (Eo e le kereke ya Molao. Hlokomelang.)

Mo—mohlolo o mong hape wa hlaha lehodimong; e le wa drakone e kgolo e kgubedu, e nang le dihlooho tse supileng, . . . (le a bona, bolokang supa eo kelellong jwale, “dihlooho tse supileng,” ka mehla) . . . dihlooho tse supileng . . . dinaka tse leshome, le meqhaka e supileng dihloohong tsa yona.

Jwale, mohatla wa yona o ne o hulanya karolo ya boraro ya dinaledi tsa lehodimo, mme o ne o di lahlela fatshe: drakone ya ema pela mosadi ya belehang, hore e tle e je ngwana hae ha a se a mmelehile. (Bonang!)

A beleha mora ngwana e motona, ya tla alosa ditjhaba tsohle ka lere la tshepe: mme ngwana hae a nkelwa ho Modimo, le teroneng ya wona.

¹³¹ Kereke ya Molao ke eo mo e emeng; letsatsi le tjhabelang fatshe; Thuto ya baapostola ba leshome le metso e mmedi. Ke hantle. Ka kgwedi tlasa maoto a yona, molao, seriti sa dintho tse tlang; Lesedi la Evangedi le tjhabileng jwale, molao o ile wa nyamela nakong eo Letsatsi le tjhabang.

¹³² “Mme a howa a se a le pelehing, a beleha mora Ngwana e Motona,” eo e neng e le Kreste Jesu, “mme A nkelwa ho Modimo. Empa hang feela . . .” Ke ena moo e leng teng. “Hang feela ha drakone, eo e neng e le Diabolosi, ha e bona mosadi a se a tla beleha, ya ema pela hae ho harola Ngwana Hae ha A se a belehilwe.”

¹³³ Mme ha Jesu a na tswalwa, Mmuso wa Roma wa hlahisa taelo, ho bolaya bana bohole ho qala ka dilemo tse pedi, ho ya tlase, ho tle ho bolawe Kreste Jesu. Mme Modimo wa mo reba, le ho Mo isa Egepete le ho Mo pata, jwaloka ha A entse ka Moshe ka mokgwa o tshwanang.

¹³⁴ Ke eo drakone eo e kgubedu, Diabolosi. Terone ya yona e ho kae? Kwana . . . E sang Rashiya; Roma! Le ho re, “Diabolosi o mo file terone ya hae le borena ba hae, drakone e kgubedu,” e sang Rashiya.

¹³⁵ Ke utlwa bareri ba baholo ba re, “Rashiya ke antikreste.”

¹³⁶ Kgele, Rashiya ha ho moo e amanang teng le antikreste. Boo ke bokomonisi. Bohata ba Boprotstanta le Bokatolike bo hlahisitse bokomonisi. Lebaka leo Rashiya e ba ntshitseng mono, hoba ba ne ba nkile tjhelete yohle. Le ho re dithapelo di etsetswe bahalaledi bao, ka baka leo ba haha meaho e meholo, mme ba nkile leruo lohle la batho, le ho le shoba jwalo. Mme ba ba bona ba sa phele ka mokgwa o fapaneng, mme ba sa fapano le lefatshe lohle ka letho, yaba ba e tebedisa mme ba bopa bokomonisi.

¹³⁷ Jwale ha le ka mpha bosiu bo bong hape, ha Modimo a ka etsa, ke tla le kgodisetsa hore bokomonisi bo sebeletsa hantle matsohong a Modimo o Matlaohle, ho fedisa Roma mo-... Mme, hopolang, ke bolela sena jwaloka moporofeta wa Modimo, mmuso wa Rashiya o tla dihela setuhaki sa athomo sa mofuta o itseng Motseng wa Mopapa [“Vatican City”—Moft.] le ho o senya ka hora e le nngwe. HO RIALO MORENA. Mme Bibebe e boletse hore Modimo o ile a nka banna bao ba pelo di kgopo le ho ba bea matsohong a Hae, homme ba le jwaloka dibetsa matsohong a Hae, “ho phetha thato ya Hae,” le ho buseletsa ho yena se neng se mo tshwanelia. Ke hantle ruri. Leo ke Lentswe.

¹³⁸ Moena, o mpa o sa hlokomele feela kamoo dintho tsena di leng mano kateng! Hopolang, Jesu Kreste o boletse hore antikreste o tla bapa hakana ho ka thetsang le bona bakgethwa. Ho re, “Jwale le se ke la ekwa ke motho.” Ho re, “Le se etsise bahetene, ba phetha-phethang thapelo tsa bona, ‘Ahe Maria, ya lehlohonolo, o mohau, mme ho lehlohonolo...’” Ho re, “Le se etsise bahetene, ba sebedisang phetha-pheto ya mafeela.” A re, “Le se ke la bitsa motho ‘ntate,’ ho latela mokgwa wa lefatshe lena le hona, kapa... hoba le na le Ntate, mme ke ya leng Lehodimong.”

¹³⁹ Empa le a reteleha, le hlokomo loha taba eo, le a e etsa leha ho le jwalo, hoba e tumme. Haesale diabolosi a tshwere ntho e tummeng. Haesale ho le jwalo, ho tloha tshimolohong, “sebopelo sa bodumedi.” Kaine o na tshwere ntho e tshwanang. Moya ke wona o kena o tsamaya, ka antikreste; le Abele ke enwa a etla, ya bolailweng, le hona. Ke hantle. Hlokamelang, mme jwale bonang.

¹⁴⁰ Dibata tsena tsohle, morao mane, di fihletse seholohlolo ka hara sebata se le seng mona, se ileng sa bitswa “drakone e kgubedu,” Diabolosi.

Jwale a re qaleng temaneng ya 15 ya kgaolo ya 13.

¹⁴¹ Le a bona jwale hore *Roma* e ne e le—e ne e le “terone ya Satane.” Sebata se nang le dihlooho tse supileng ka dinaka tse leshome sa ema pela Ngwana, Ngwana Kreste, ho Mo harola hang feela ha A se a belehilwe. Ke mang ya entseng hoo? Heroda, Roma; haesale ho le jwalo. Re tla kena ho Daniele, ka ho otloloha, ha re ka fumana nako e lekaneng, leha Morena a ka re thusa, mme re tla bona.

¹⁴² Jwaloka sebakeng sefe kapa sefe Lengolong, ho tloha tshimolohong ya Baditjhaba, ho tloha morao kwana ho Genesse, nka kgodisa hore Babilona a qadile Genese mme e fellu ho Tshenolo. Ho qala morao kwana ka Nimrode, mora wa Kama, ka tshebeletso ya medingwana, ho kenya tshebeletso ya medingwana, ho kgumamela medingwana. Mme ya theoha

hantle jwalo, mme, ka masene a makaalo matsatsing a qetelo ho fihlela e nka lebitso la Bokreste, mme, leha ho le jwalo, esale tshebeletso ya medimo ya bohata!

¹⁴³ Na Mohalaledi Paulosi e moholo, ho Bathessalonika ba Bobedi, ha a ka a bolela? A re e baleng, pele re ya pejana. Bathessalonika ba Bobedi, kgaolo ya bobedi, le ho bona seo Paulosi a se boletseng mona. Ekasita a e bone Moyeng, le pele e fihla tsatsing leo re phelang ho lona.

¹⁴⁴ Tjhe, kgele, maemo a tsatsi leo re phelang ho lona, lefifi leo re phelang ho lona, banna le basadi ba kgasang lefifing la bohetene homme ntle le ho tseba taba ena. Ke—ke ntho e haulang hakakang! Kamoo tsatsi leo...

¹⁴⁵ Paulose o boletse, “Letsatsi leo le ke ke la fihla ho eso etsahale kweneho pele, mme ho hlahe motho eo wa sebe.” Jwale hlokromelang, o re ke monna. Na ho lokile? [Phutheho e re, “Amen.”—Mong.] Paulose o itse, “E ne e le motho wa sebe, ya hanang ya iphahamisang hodima hohle ho bitswang Modimo, e le ya rapelwang jwaloka Modimo.” Monna, ya rapelwang jwaloka Modimo; monna ya neng a tla hlomamiswa jwaloka mokgwa wa borapedi. Mme a re, “Letsatsi leo le ke ke la fihla ho eso tle kweneho pele.” Ke eng? Boemo bo fofu ba kereke. Ho lokile.

¹⁴⁶ Mamelang. E re ke le balle yona, ha le rata, Bathessalonika ba Bobedi. Ho lokile. Eka nka fumana sebaka se lokileng jwale, le ho qaleng, re tle re se tlamehe ho bala lolololo. “Le se ke la thetswa ke motho,” temana ya 3, Bathessalonika ba Bobedi, kgaolo ya 2.

Le se ke la thetswa ke motho le ka mokgwa o le mong: hobane eka kgona ho etsahale kweneho pele, (mongwaha wa phutheho ya Laodisea jwale)... motho eo, (m-o-t-h-o, bonngweng)... ho hlahe motho eo wa sebe, mora tahleho; (bakeng sa, bakeng sa Mora Modimo), mora tahleho;

Ya hanang (ka boyena) ya iphahamisang *hodima hohle ho bitswang Modimo*, a tle a kgumamelwe jwaloka Modimo; mme o tla dula *jwaloka Modimo tempeleng ya Modimo*, a ipontsha e le *Modimo*. (A amohela maipolelo!)

¹⁴⁷ O se ke wa mpolella, wena motswalle wa ka wa Mokatolike! [Moena Branham o kokota sefaleng hane—Mong.] Kamoo le bolelang ha le “dumela lenyalong le le leng feela; kereke ya Katholike e bua ka lenyalo le le leng.” Ha o se na tjhelete, ho itoketse. E reng ke le bolelle, hantle mona bathong ba heso ka sebele; mosetsana ya dutseng mona hantle mme hantle mona, le ntate, hape; le mosadi e mong hape ya nang le moshanyana enwa e monyenyanne. Ngwanana o na nyalwe ke mohlankana wa Protestanta; ba kgaohana mme ba tswa. Ha ho

le jwalo he, ntho ya pele le a tseba, ngwanana eo o na tla nyalwa ke moshanyana wa Katholike; mme o na loketse ho ya lefa tjhelete e ngata, le ho kgutla hape, mme, "Le hona ha a nyalwa ke moshanyana enwa wa Protestant, le ho qaleng." Howard ke enwa, batho ba heso ka sebele...

¹⁴⁸ Tjhe, hantle hodimo mono... Nke ke ka bitsa lebitso. O na le moradi, mme moradi a ka ba dilemo tse mashome a mabedi le metso e tsheletseng. A siya monna wa hae, tlase Milltown, a baleha mme a nyalwa ke monna wa Mokatholike. Mme jwale ba re, "O loketse ho tswa kerekeng." Ka baka leo ba lefa tjhelete e itseng, ho kgutla le ho "mmusetsa borwetsaneng hape," le ho mo nyadisa monna enwa hape. Matlakala! Ho mo fetola morwetsana hape? O nyetswe, mahlong a Modimo, mme o phela bohololeng. Ke hantle haholo. Ke HO RIALO MORENA, le hona. Ruri.

¹⁴⁹ Mahlabisa dihlong a makakang! "Lefang tjhelete e kana." Ke ka baka leo dikereke tsena tse kgolo le dikolo di hahuwang. Ke ka mokgwa oo. Lefatshe hohle... Lona ha le ho tsebe, mona Dinaheng tse Kopaneng. Eka le ka ntshala morao ho ya mose ho mawatle, hang, mme le tla fumana. E, monghadi. Eyang mono, moo ba busang teng.

¹⁵⁰ Nka le tlisetsa foto, e pakilweng e le nnete, Moena Kopp o sa tswa e nka, mme a nthomella yona, e leng ya moreri wa Protestant, mmoledi wa Moya o Halalelang, ya robetseng seterateng, a ruruhile hakana, yena le mosadi wa hae, le ngwana e monyenyan, ho buduloha ka mokgwa oo; hoba ba rerile ka Jesu Kreste, matla a tsoho, le hore batho ba ka pholoswa le ho amohela Moya o Halalelang. Ba ba bolaela seterateng, mme ba sa ba dumelle ho patwa, mme ba ba tshwela ka mathe, ka matsatsi le matsatsi. Ke hantle.

¹⁵¹ Hantle mono moo Moena Osborn a na loketse ho feheletswa, ka dithunya, ho ba ntsha. Ba theohela mono, mme e mong... sehlopha sa baprista sa kopana mme sa bolaya mohlankanyana enwa. Mme mosadi a sa tswa fumana lesea. Mme ba tsamaya seterateng jwalo, ho na le—le—le mofeheletsi ho mo isa lebitleng, ho mo pata. Mme mme enwa a tsamaya, ka lesea, a lla, a setse monna wa hae ya shweleng morao. Mme batho ba shebile ka fensetere, batho ba pelo di tshepehang, ho thwe, "Haele mokgwa oo kereke ya Katholike e ikutlwang kateng, re a e tela." Mme ba setswe morao, ke dikete, ho theosa le seterata. Moena Osborn a tshwara tsoseletso mono, ho fihlela ba sitilwe ho mo ntsha setjhabeng. Ho e na le batho ba bangata haholo. Ke hantle haholo.

¹⁵² Kgele, boikaketsi boo! Ke a tseba hore ke ponahalo e mpe. Tholang, metswalle ya Katholike, re sa tla hohla hlakore le leng, metsotsong e mmalwa. Ho lokile. Hlokomelang.

¹⁵³ Jwale re tla theohela, hlokamelang, pejana ho se hokae. A nke ke fetisetse hona ho lona. Mohlomong nka ba le nako, ke sa saletswe ke metsotso e mashome a mararo. Hlokomedisisang. Jwale a re kgutleng, mmadi e mong le e mong, kelellong ya hao feela, motsotso feela, bakeng sa moralo ka kelellong. Nakong eo... .

¹⁵⁴ Modumedi ka mong wa Thutamotheo mona o a tseba hore puso ya Baditjhaba e qadile ka Morena Nebukadnesare. Ho jwalo? [Phutheho e re, "Amen."—Mong.] Modumedi e mong le e mong wa Thutamotheo o tseba taba eo. Mme Morena Nebukadnesare a fumana pono, mme Daniele a mo kwahollela yona. Ho jwalo? ["Amen."] Mme e le hlooho ya gauta, eo e neng e le Babilona; wa bobedi e le Bamede le Bapersia; o latelang e le mmuso wa Gerike; ya ntano ba Mmuso wa Roma. Qetellong ya Mmuso wa Roma, Jesu Kreste e ne e le Lefika le kgephotsweng thabeng, e seng ka matsoho, le ileng la thettheha mme la pshatla setshwantsho (ho jwalo?), mme la tlala lefatshe. ["Amen."] Motho ofe kapa ofe o tseba taba eo. Modumedi ofe kapa ofe o tseba hono.

¹⁵⁵ Le ka mokgwa oo, matsatsing a qetelo, mohla e arohanelang mebusong ena e mengata e fapaneng, le jwalo-jwalo, ho ya menwaneng ya maoto, ho n'o na le tshepe le letsopa. Mme hoo ho bolela ho re, moporofeta o boletse, "Jwaloka ha o bone tshepe le letsopa di sa kopane, le jwalo bana ba ke ke ba kgomarelana." Empa ba tla kopanya dipeo tseo, ho leka... Ka mantswa a mang, ba tla ba nyalla, ka ho leka ho hodisetsa bana ba bona mme ba robe, bakeng sa matla, ka mokgwa oo. Mme le a tseba hoo ke nnete. Empa, e tshwerwe, e teng, mme lona batho ting le tiisetsa ho yona, "Oho," ho thwe, "e a babatseha."

¹⁵⁶ Bonang Stevenson enwa, e leng hore lebitso la hae ke mang, hodimo mona. Jwale yena... hodimo mona. Lebitso la hae ke mang? Ke lebala feela... Thaka leo hodimo mona, le tsosang kgang ena hohle. [Phutheho e bitsa lebitso—Mong.] Eke. Oho, banna!

¹⁵⁷ Dinaha tse Kopaneng tsena di bodile ho fihla bohareng. E, monghadi. Nka le pakela hore hona nakong eo... Mosadi enwa mona, morao ho Tshenolo 12, nakong eo... Ngwana hae e motona o ile a nkwa ho ya dula Teroneng ya Modimo, mme, ha ho le jwalo, mosadi a balehela nahathote, teng a baballwa matsatsi a sekete se nang le makgolo a mabedi le mashome a tsheletseng, hantle ho fihla tsatsing la Plymouth Rock, hantle, moo kereke e ileng ya tla mona bakeng sa tokoloho ya borapedi, mme ya thewa mona.

¹⁵⁸ Mme re tla balla tlase kgaolong ya 13 ya Tshenolo mona, mme bonang mona temaneng ya 15. Mme, jwale, motsotso

feela, ke batla ho ya ka pejana ho mono, mme re bona mona moo A neng a eme mona pela lewatle. Jwale ha feela nka fumana sebaka, moo e leng teng, temana ya 11.

Ka ba ka bona sebata se seng se nyolohang lefatsheng; (e seng ho tswa—ho tswa metsing)...

¹⁵⁹ “Ho tswa lefatsheng.” Hape, bongata le matshwele a batho ke metsi, jwale he mona ke moo ho neng ho se batho, Dinaha tse Kopaneng.

...se nang le dinaka tse pedi tse jwaloka ka tsa konyana,...

¹⁶⁰ “Dinaka tse pedi tse *jwaloka tsa konyana*,” e seng konyana. Ke eng? Ke nare ya rona ya Amerika. Ehlide. Le a bona, ke seo moo se leng teng, “dinaka tse pedi tse jwaloka ka tsa konyana.” Empa he yaba se etsang? Se ne se na le tokoloho ya borapedi, pele; sa etsa jwaloka konyana, sa bua jwaloka konyana. Empa, hopolang, ha se a ka sa fetoha pheleu e hodileng. E ne e le konyana. Naha ena e na le dilemo tse lekgolo le nang le mashome a mahlano feela, le a tseba, konyana feela.

...se ne se bua jwaleka drakone.

Sa etsisa ka matla wohle a sebata sa pele teng pontsheng ya sona, (drakone e kgubedu), mme sa etsa ho bohle ba lefatshe, ba ahileng hodima lefatshe, ba rapele sebata, ... seo leqeba la sona le bolayang le neng le fodile. (Bonang!)

Hape—hape sa etsa mehlolo e meholo ho isa le ho etsa a theola mollo ho tswa lehodimong... (Bomo ya athomo, le haederojene; masene, setjhaba se bohlale, le jwalo-jwalo, se thetsa ditjhaba ka dintho tsena.)

¹⁶¹ Dinaha tse Kopaneng tsena di tla fihla moo kereke le mmuso di kopanang. Mme Protestanta le Katholike di tla lahlela ding tsa tsona mmoho, ho lwantsha bokomonisi. Mme e bapalla hantle matsohong a seo Modimo a se boletseng mona hantle.

¹⁶² Mme lona Maprotestanta le rapame mono, le ile le sephume sa boroko, le bala makasine wa pale ya lerato bakeng sa Bibele tsa lona! Ntle kwana, ho tsomana le boithabiso kae-kae, moketjana o itseng wa monyaka, ho ena le ho dula tshebeletsong ya thapelo kae-kae; mme le phehile kgang ka dinthwana tse sa reng letho *hakaalo*. [Moena Branham o thanya monwana wa hae—Mong.] O loketse o be o le mangoleng kae-kae, haeba o tseba seo Bosafeleng bo neng bo se bolela.

¹⁶³ Hlokomelang, nakong eo, Nebukadnesare, qalong morao kwana, ha mongwaha wa Baditjhaba o ne o kennwa. A re boneng kamoo o keneng. Mme ka moo o keneng, le tla fumana

hore o tswa ka mokgwa o tshwanang. Re a tseba ho na le qalo ya nako ya mohau ka nqeng ya Baditjhaba, le qetello ya nako. Ho nepahetse? [Phutheho e re, “Amen.”—Mong.]

¹⁶⁴ Jwale hlokamelang, ha Morena Nebukadnesare...ha Daniele a ne a romelwa tlase mono, moporofeta ya bohlale, nakong eo Bajode ba bang bohole e ne'ka ba ikokobeletsa mme ba obamela Maroma...kapa baBabilona. Empa ha ba le ba bararo, banna ba bane; ba bararo (Shadrake, Meshake le Abedneko), le Daniele, ba neng ba rerile pelong tsa bona hore ba tla sebeletsa Modimo. Mme itse hoba ba lahlele Shadrake, le bao jwalo, ka...Mme Daniele e se e le monna ya phahameng, pela Morena Nebukadnesare le Beltsatsare, le jwalo-jwalo. Ha e ne e ba monna ya phahameng, jwale ela hloko, Morena Nebukadnesare a etsa setshwantsho sa gauta mme a se hloma naheng, mme a re motho e mong le e mong o tla lokela ho kgumamela setshwantsho seo.

¹⁶⁵ Na le hlokometse kamoo e hlokang mano kateng, hore setshwantsho seo se ne se entswe ka mang? E ne e le Daniele, setshwantsho sa motho. Mme na ha a ka a re, “meya ya medimo,” mohetene? Mme ho jwalo le ka rona kajeno, ho na le e meraro kapa mene e ya yona. “Meya ya medimo e ahile ho yena,” mme ba etsa setshwantsho sa Daniele. Mme a re, “Bohle ba sa tlo rapela setshwantsho seo, ba tla akgelwa seboping sa mollo.” Le a elellwa, Daniele ha a yo sebaeng nakong eo. Le fihlelwa ke seo ke se bolelang? “Mme mono feela ya sa tlo se rapela o lokela ho kgaolwa dikoto-koto, kapa ho akgelwa lemeneng la ditanu, kapa ho tjheswa seboping sa mollo, kapa ho hong, kahlolo.”

¹⁶⁶ Ke kamoo lekgathe la Baditjhaba le qalang, ka sebopetho sa borapedi sa bodumedi ba bohetene, ka hloriso ho etsa hore ba bo kgumamele. Mme Bibebe e lekantse hore ho tla fellu ka tsela e tshwanang, “Monna ya halalelang,” Jesu Kreste; setshwantsho sa Hae, ho se kgumamela, le jwalo-jwalo.

¹⁶⁷ Le sa hopola, buka ya Foxe ya bashwelatumelo, ba tshwareletse sefapano ka pela bona, ho behwe poho sephakeng ka seng ka mokgwa oo, mme ho thwe...Ha o n'o sa batle ho tela, ho tela Boprotstanta, le ho fetoha Mokatholike le ho “aka sefapano sena.” Ba kgannele poho e nngwe nqeng e sele, le e nngwe nqeng e sele, mme ba di arole. Ba ba tjhese dithupeng tsa mollo. Ba etse ntho e nngwe le e nngwe. Ke bile mafarung a kgale tlasa lefatshe; ke tseba seo ke buang ka sona. Mme, le a bona, hono, ke hantle haholo. Mme ke bao moo ba robetseng. Mme hlokamelang kamoo ba fetileng matsatsi ao a bashwelatumelo pele ho Martin Luther. Ho latela Bibebe, hape.

¹⁶⁸ Jwale elang hloko hape jwale. Jwale ke batla hore le hlokomele ntho e kgolo. Mmuso oo wa Babilona o pshatlehile jwang? Bosiung bo bong ha ba ne ba tswela teng mme ba nka

mehope e halalelang ya Modimo, mme ba qalella ho nwella veine ho yona; ho qalella ka mokete wa ditletle, mme ba nka sehlopha sa basadi ntle mono, dinyatsi, mme ba tjeka ba tjodietsa mme ho tshwerwe monyakahadi. Ho jwalo? [Phutheho e re, “Amen.”—Mong.] Nakong yona eo ha hlaha mongolo leboteng, *Mene, Mene, Tekel, Upharisin.*” Ke hantle? [“Amen.”] Mme ba ya ba lata Bakalde bohle ba bona, banna ba bona ba bohlale, ditho tse fofo tsa kereke, mme le jwale ha ho ya kgonneng ho o bala ho bona. Ke hantle.

¹⁶⁹ Empa ba na le monna mono ya na kgona ho bala maleme a sa tsejweng, hallelua, a kgona ho a kwaholla. Le bona seo ke se bolelang? A kgona ho fetola maleme a sa tsejweng. Ke kamoo o tswileng kateng.

¹⁷⁰ Ke ka tsela eo o tswang jwale, ka matla a Moya o Halalelang hodima batho ba tlatsitsweng ka kolobetso ya Moya o Halalelang, ba nang le matla le dipontsho le meeka. Ke eo moo e tsamayang Kereke ya Baditjhaba. Ke ao masalla.

¹⁷¹ Ke kamoo e kenang, ke kamoo e tswang, hantle, ho kgumamela le ho hatellwa borapeding bo fofotho ba bohetene. Mme Modimo o kena horeng ya maqakabetsi le ho ngola ka maleme a sa tsejweng, mme monna o a fetola. A kgona ho kwaholla. O na sa tsebe puo eo; ha ho motho ya neng a kgona. Empa a na le wona Moya o Halalelang, wona o entseng hore a fetolele hono, ke wona Moya o Halalelang ka Kerekeng kajeno.

¹⁷² Le O bitsa “bohlanya.” Nka dumela hore ba na le bongata ba hono. Empa, moena, ho na le ntho ya sebele mono, hape. Ke hantle, ya sebele e teng, hape. Diabolosi o akgela qopitso e nngwe le e nngwe eo a e kgonang, hantle ka tseleng, ho le ferekanya. Mme ha o sa nahane ka Modimo hoo o ka dulang fatshe mme wa bala Bibele ya hao, le ho rapela le ho kopa Modimo, eba ho bontsha ha o se na thahasello e kaalo ho moywa hao.

¹⁷³ Tswela ka ntle mona mme o re, “Modimo, ha ke natse hore ke difi tse kae tsa makgwaba tseo O di beileng ka ntle mane. Ke a bona Bibele ya Hao e a e bua, mme ke ikemiseditse!” Ke hantle. “O ntshepisitse yona, peo ya Abrahama.”

¹⁷⁴ Ha Modimo a o bitsitse, o tla fihla ho Yona; empa haeba o sa bitswa, ha ke tsotelle kamoo o tletseng borapedi kateng, ho fedile ka wena; ke pheto, o ke ke wa tla. Ha ho motho ya ka kgonang, ha A sa o bitsa. Mme ha A rate hore motho a ka timela, empa ho tla etsahala jwalo ka wena hobane ha o tsotelle ha kaalo ka Hona.

¹⁷⁵ Mme o tla potela mme o bone ntho e kang bohlanya, e rothofaditsweng, “Tjhe e, Ngaka *Semanya-manyane* o boletse *hore-le-hore*, le jwalo-jwalo.” Mme o ntano ya hohle mme o nyefole Moya o Halalelang, le a tseba ho jwalo, mme e ke ke ya tshwarelwa le ka mohla.

¹⁷⁶ Le tla fumana metsotsong e mmalwa hore letshwao la Diabolosi ke eng, hore na—hore na tiiso ya Diabolosi ke eng, letshwao la sebata. “Ya buang hampe ka Moya o Halalelang, a ke ke a tshwarelwa hona, lefatsheng lena, kapa lefatsheng le tl Lang.” Shebang kereke eo ya pele, se ba se entseng. Bonang, nkare, kerekeng ena ya bobedi! O ka nna wa ikwalla ntle ho Mmuso wa Modimo, le ho kena ka ho Diabolosi; ka ntle kwana moo “ho seng tshwarelo, lefatsheng lena, leha e le ho le tl Lang.” Amaruri. Ka baka leo, o hlokomele, tsamaya ka tshabo. Hlokomela seo o se etsang, hobane ha o tsebe se tla etsahala.

¹⁷⁷ Jwale, re bona ntho ena yohle e bokellana jwale. Ke na le metsotso e mashome a mabedi. Ke batla hore le phetle le nna kgaolong ya 17, Tshenolo, ho qetella metsotsong e mmalwa feela. Jwale re tla kena tseleng e yang hae. Theang tsebe. Balang le nna. Phetlang Bibebe tsa lona le itokisetse ho bala. Hona ho loketse ho e kwahela tu.

¹⁷⁸ Hopolang, ho na le matshwao a mabedi; le leng ke la bokwenehi, le leng ke Moya o Halalelang. Le leng ke letshwao la Diabolosi.

¹⁷⁹ Hopolang, ke buile jwana, hore kereke ya pele ya Katholike...Jwale, batho ba Katholike, dulang ka hломpho metsotso e mmalwa. Kereke ya pele ya Katholike e bopile monahano wa bona mabapi le ntho eo. Ba ne ba e na le thuto ya bohata, ya eukariste e halalelang, ho ja thathana bakeng sa kolobetso ya Moya.

¹⁸⁰ Protestanta e amohela ho tsukutlana ka matsoho, kapa ho etsa selekane; bobedi ba tsona di fosahetse, ho ya ka Lentswe la Modimo. Moralo o tiileng ke Wona. Ho ye ho tluwe mme ho kolobetswe, “Ntate, Mora, Moya o Halalelang,” hodima ho se le lethonyana la mohla moo motho a kileng a kolobetswa ka mokgwa oo; hodima e le bohetene ruri, kolobetso ya Katolike. Mme ba e dumela, mme ho thwe, “Lona Maprotestanta le kgumamela kolobetso ya rona.”

Ka re, “Hobaneng le etsa taba eo?”

¹⁸¹ Ho re, “Kereke ya Katolike e na le matla a ho fetola Lengolo lefe kapa lefe leo ba le ratang.”

Ka re, “Ke leshan.”

A re, “Hobaneng le e kgumamela he?”

¹⁸² Ehu, le mpe le thole. E seng nna! Ha ke e dumele. Lena ke Lentswe la Modimo. Ke hantle. Ha batho ba batla ho latela, ba loketse ho ya ba le bang. Ke loketse ho bolela Nnete. Ke hantle.

¹⁸³ Hlokomelang, yaba ba tswa ka ntho ena e nngwe yohle, kereke, ya ikopanya le katekisima ya yona ya kgale ntho tseo tsohle mono. Ke hlakantsuntsu e kakang ya bosawana le mepoto! Mme e qhotsitse bahete ne ba dibillione, le bofo bo hwammeng...

¹⁸⁴ Ke ya Diabolosi, le ho qalang. Mme nka le pakela hore Bibele e boletse mona, “Lefatshe lohle la makala ke matla a sebata sena; se neng se le teng, se seng se le siyo, athe se se se le teng.” Ho tla jwang, “se neng se le teng, mme ha se yo”? Ha thwe, “Lefatshe lohle le tla makala ke sona.”

¹⁸⁵ Ha Roma ya bohetene e ne e fetoha ho ba Roma ya mopapa, ha e a ka ya kgaotsa. Ke tsamaiso ya Boroma e ileng ya kgaotsa; ha morena e motjha a na kena, o ile a hloma lenaneo le letjha feela. Empa ha e kena ho Roma ya bohetene, ka kereke ya Katolike, ka tsamaiso ya bopapa, ha e kgaotse. Ha mopapa e mong e mong a eshwa, ba beha e mong hape; mopapa e mong o a shwa, ba dudisa e mong. “Sebata se neng se le teng, se seng se le siyo, athe se se se le teng; se seng se le siyo, athe se se se le teng; se . . . mme se tla ya timelong.” HO RIALO MOYA O HALALELANG, ka Lengolo.

¹⁸⁶ Jwale, mame lang. “Yaba ho tla le leng . . .” Lona bohole le ele hloko jwale, kgaolo ya 17.

Yaba ho tla ho nna lengeloi le leng la a supileng a tshuereng dinkgo tse supileng, (tseo ke dinkgo tsa ho qetela, tse tshollwang), la re, Tloo; mme ke o bontshe kahlolo ya seotswa se seholo se dulang hodima metsi a mangata:

¹⁸⁷ Hlokromelang Tshenolo 12. Mosadi eo e ne e le morwetsana. E le mofumahadi wa sebele. Kamoo a neng a eme ka botle!

¹⁸⁸ Empa e mong ke enwa o bitswa seotswa, “s-e-h-l-o-l-a,” hoo ho bolela eo ya . . . Hoo ke eng? A re etseng modingwana ka hona . . . kapa a re hlahlobe hona.

¹⁸⁹ Ntshwareleng. Ke potlaka haholo; kgopolong ya hore ke na le metsotsso e leshome le metso e mehlano. Ke tla dula hora e nngwe hape he, ka hona tholang he. [Phutheho e re, “Amen.”—Mong.]

¹⁹⁰ Shebang. Ke hantle. Shebang, a re e hlahlobeng ka ho theosa. Ke mosadi ya makgobtol. Sehlola ke eng? Ha ke batle ho bitsa lentswe leo, empa le ngotswe mona Bibeleng. Ke mosadi ya ipolelang hore ke mosadi ya lokileng, homme a feba le banna ba bang. Jwale, efela haeba mosadi a tshwantshwa kereke, etlaba ke kereke e ipolelang hore ke ya Bokreste, homme e feba le dintho tse ding. Na ho jwalo?

¹⁹¹ “Mme o dutse hodima metsi a mangata; matshwele le bongata ba batho.” Balang . . . nkare temaneng ya 15 mme le tla bona hono, le a bona. Kapa, ya 17, kaekae hona mono. Re tla kena ho yona motsotsong. “Mosadi ya dutseng hodima metsi a mangata; seotswa.” Ke ntho e kakang! Jwale ha re ne re ka ba le matsatsi-tsatsi, re ne re ka nka mosadi eo mme re latele mohlala wa hae ho tloha ho Kaine ho ya fihla ho Tleng ha Morena Jesu, le ho le pakela hore e ne e le yena wa ho qala ho

hlophisa kereke. Ke mma dikereke tsa mokgatlo. Bonang, “Mme mosadi ya dutseng hodima metsi a mangata. Hodimo, ya dutseng hodima metsi a mangata.”

Jwale temana ya bobedi.

*... seo (m-a-r-e-n-a) marena a lefatsheng a febileng le
sona, le ba ahileng lefatsheng ba tahilweng ke veine ya
bootswa ba sona.*

¹⁹² Ka mantswe a mang o ipolela ha e le kereke ya Bokreste; e phahameng, e ntle. Bonang kamoo a apereng, metsotsong e mmalwa, ka diperala le gauta le mahakwe. Ba re, “Ke mang ya lekanang le yena?”

¹⁹³ Mme o na tshwere nkgo letsohong la hae, e tletseng “veine ya bootswa ba hae bo bongata,” ditshila tsa hae, thuto ya hae eo a neng a etsa hore marena, oho, ho rapela thapelwana feela mme “ho le ntsha pelekating ka thapelo,” le dintho tsena tsohle. Ke moo. Ke lona bao. Ke Lentswe la Modimo leo ke le balang. Bonang, “Yaba o nkisa . . .” Jwale a re boneng, le ho etsa veine . . . Ke hantle, temana ya boraro jwale.

Mme *la nkisa feelleng ka moyo: mme ka bona mosadi
ya dutseng hodima sebata se mma- . . . wa sekarelata,
. . . (“Sekarelata,” ya ruileng, kereke e ruileng ka ho
fetisia lefatsheng.)*

¹⁹⁴ Ba howa mona, “Ke mang ya ka lwanang le yena?” Ho na le motho a le mong feela, lefatsheng lohle, ya nang le matla ho ya kamoo pono ya Morena Nebukadnesare e neng e le kateng. Menwana eo e lesome ya maoto e haola nthong e nngwe le e nngwe . . . Kgwele eo ya tshepe ya Roma e haola setjhabeng ka seng lefatsheng. Ha ho motho e mong lefatsheng ya ruileng lenseswe leo mopapa wa Roma a nang le lona. Mopresidente Eisenhower a ka bua mona Dinaheng tse Kopaneng, mme ke molao; empa ho na le ditjhaba tse ding tseo a ka buang hodima tsona, mme e se letho. Empa bolaodi ba Katolike bo ka bua Roma, mme setjhaba ka seng se e dudueletse. Ke hantle. Ke eo moo a leng teng. Jwale re tla bona moo a leng teng, mme re boneng hore na ke yena kapa tjhe, ho bona hore na o bontshitswe ho e nngwe le e nngwe mona hantle. Ho lokile.

*. . . mme ka bona mosadi ya dutseng hodima sebata
se mmala wa sekarelata, (ya ruileng), se tletseng
mabitso a bonyefodi, . . .*

¹⁹⁵ Kolobetso ya bohata; moruo wa bohata; ka ho etella batho ka bofofu, ho ba bolella hore ba ka tla kerekeng feela, ho etsa maipolelo a bona, le jwalo-jwalo, ho re “Ahe Maria,” ho itlhokofaletsa sebe. Bowatla! Mepoto! Ha ke bone kamoo batho, ka kelello tsa botho tse phodileng, ba ka dumelang dinthong tse kang tseo kateng.

. . . se nang le dihlooho tse supileng . . .

¹⁹⁶ Ke lona bao hape, letemona lona lena le hohle, drakone e kgubedu, sebata le ntho e nngwe le e nngwe, ho na le “dihlooho tse supileng; dinaka tse leshome.”

¹⁹⁷ “Mme mosadi,” mosadi, jwale, kereke. Jwale, *sebata* ke “matla” ao a neng a na le wona, kereke ya Roma e Katolike, empa matla a Roma e Katolike. Empa, empa kereke ke ena e a bua jwale.

Mosadi eo o ne a apere purapera le sekarelata, a kgabile ka kgauta le mahakwe a bohlokwa le diperela, letsong la hae o ne a tshwere pitsa ya kgauta e tletseng bonyala le ditshila tsa bootswa ba hae:

¹⁹⁸ Ke eo moo a leng teng; homme kereke e itseng eo le e tsebang. Ha se yona? E loketse ho ba teng mono; setshwantsho sa yona se takilwe. Balang ho ya tlase mme re tla bona na ke mang.

*Ho ne ho ngodilwe hloohong lebitso le reng,
SEPHIRI, BABILONA E MOHOLO, MMA DIOTSWA,
WONA MANYALA A LEFATSHE.*

¹⁹⁹ Ho lokile, Protestanta, ke hona moo le tlapiswang teng mona. Le tla dumela hore ke seotswa, empa e ne e le “MME” (mme wa bo mang, wa bara?) “WA DIOTSWA.” Bao etlaba ke *basadi*. Na ho jwalo? [Phutheho e re, “Amen.”—Mong.] Tseo etlaba ke *dikereke* he. Na ho jwalo? [“Amen.”] Ke mma dikereke he. Ha se yena? [“Amen.”] Martin Luther o tswa kae? Bokatholikeng. Tsena tse ding tsohle di qhotsitswe kae? Bokatholikeng, ho tla ka thuto ya bona e tshwanang, mme le a e kgumamela.

²⁰⁰ Jwale, mosadi wa seraburabu ya fetisang Jeffersonville a ka tswala ngwanana ya lokileng, wa makgonthe, wa morwetsana, ke hantle, mme a ka tsamaya ka ho otloloha ha a batla. Mme ho jwalo le ka kereke ya Luthere, Methodise, homme le Baptise, le Presbeteriene, le jwalojwalo; ba ile ba tsamaya ka ho otloloha nakwana, nakong eo—nakong eo bathei ba tsona ba neng ba ba rerela Evangedi. Empa jwale ba tsamaya dipontsho, metjeko, thelebishene, ho tsuba, ho etsa ntho e nngwe le e nngwe, (le a tseba hore ke nnete!), ho dula hae ka Sontaha. Ke eng? Hoba seotswa sa lona se itshwere jwaloka mma sona. Ke yona ruri. Ke yona ruri.

²⁰¹ Jwale a re boneng moo mmala o leng teng. Bibebe e boletse hore e ne e le “MMA DIOTSWA.” Mme mang le mang o a tseba hore hoo e ne e le Roma ya bohetene, kapa Mof. Roma ka mopapa, kereke ya Katolike. Motsotsong, ke tla le bontsha, ke tla mmea madulong a lefatshe, hantle feela moo a tla beng a dutse teng. Hantle. Moo a leng teng le hore ke mang, Bibebe e itsalo. E seng nna; Bibebe! Mme ya re o tswetswe baradi ba bangata ba dikereke ka mora hae. Ke hantle, jwale, Methodise,

le Baptise, le Luthere, le jwalo-jwalo, le bona moo le leng teng, ho "MMA DIOTSWA." Ba ne ba phela hantle, empa ha Lesedi le ne le qalella ho tjhaba . . .

²⁰² Eka sekgakgatha sa maphele hlabula. Kgantsha lebone, ka tseleng moo lephele le ntse le ja seqo sa kgale sa poone kapa ho hong ho jwalo, mme o betsetse lesedi mme o lebelle ha a phasaphasa ho itswaketsa ka pele kamoo a ka kgonang.

²⁰³ Rera Evangedi, kapa kolobetso ya Moya o Halalelang, ho tse ding tsa dikereke tse ngata tsena tsa kgale tse pompetseng, tse hlokang borapedi, mme o di shebe, "Ha re dumele dinthong tseo tsa letho. Ha ke dumele letho la . . ." Hobaneng? O tseba seo o leng sona, qalong. Ke hantle. Ke hantle haholo.

²⁰⁴ Ha ke bue letho kgahlano le kereke ya hao; moena, le na le batho bao e leng mabenyane ka mono. Ha ke bue letho kgahlano le batho ba Katolike. Ke rata batho ba kereke ya Katolike hakaalo kaha ke rata batho ba Tabernakele ya Branham. Ha se wena, motswalle, eo ke lekang ho mo kgarumela. Ha se wena, Methodise le Baptise, le Tabernakele ya Branham. Ha se lona bao ke ba kgarumelang. Ke sebe seo le dumellang diabolosi ho se ribeha hodima lona! Ka hoba feela o tsamaya kereke, o hopola hore o bolokehile.

Jesu o itse, "Motho ha a sa tswalwe ka metsi le ka Moya, a ke ke a kena Mmusong." Mme ha o amohela kolobetso ya Moya o Halalelang, "Mehlolo e tla tsamaya le ba dumelang ke yona ena." Hantle ho tswa lehetleng, moena, empa Lehetleng hantle ho tswa Bibeleng. Jesu ha a ka a re, "Mohlomong mehlolo ena e tla tsamaya le ba bang." O itse, "E tla tsamaya le bona."

Oh, ba re, "Jwale, ke dumela e ne e le bakeng sa baapostola. Ke dumela hore ho na le lekgetlo le le leng feela la baapostola, mme moo e ne e le morao kwana qalong."

²⁰⁵ Mme hona thutong eo re neng re e tshwere bosius ba maobane, "O na tshwere dinaledi tse supileng letsohong la Hae," mme naledi e nngwe le e nngwe e loketse ho abelwa mongwaha ka mong wa phutheho bakeng sa Lesedi, ruri; jwalo feela ka ha ho e na le moapostola *mono*, ho na le moapostola *mono*, le moapostola *mono*, le moapostola *mono*; "bao e neng e le Meya e supileng," qalong ya thuto ya rona, "e emang pela Modimo, ho romellwa Mengwaha ya Diphutheho tse Supileng."

²⁰⁶ Oho, moena, o ka nna wa tsamaya hohle ka thutonyana ya Baptise kapa Methodise, mme wa nna wa tswella; empa o ke o e shebe, ka leihlo la Bibele, hang. Ke hantle. Amen. Ke ikutlwia ke tletse borapedi hantle hona jwale. Amen. E, monghadi. Sheba. Moena, ke moo he. E a silakanya; empa leswai lefe kapa lefe, ha le o thusue ka letho . . .

²⁰⁷ Mme wa ka, ya dutseng morao mane, o na ye a nnwese oli ya khastere. Re sa le mathakanyana. Re ne re loketse ho ja bohobe ba koro le dinawa, tsatsi ka leng vekeng, le ka Sontaha,

hape. Ka hona, ke tlamehile ho nwa moriana o mongata. Moqebelo bosiu o na nnwesa oli ya khastere. Mme ka Moqebelo bosiu ke tshwara nko yaka, *tjena*, ha ke bolele taba ena jwaloka motlae. Ke tshware nko yaka, mme ke re, "Mme, ha ke kgone ho e mamella. E nkudisa haholo."

A re, "Ha e sa o kudise, ha e o thuse ka letho."

²⁰⁸ Ho a tshwana le ka Hona. [Moena Branham o phaphatha Bibele ya hae—Mong.] Ho o fuduha! E tla etsa hore ditho tsa hao—hao tsa tshilo di sebetse hantle, o tl'o kgone ho thuisa Evangeli e tletseng hantle ka nnete.

²⁰⁹ Maluthere a tla ka tokafatso. Kgele, keha feela ba le... Ba e hlophisa yohle, "E, monghadi, rona re kereke!"

²¹⁰ John Wesley a bona kgalaletso. A re, "Ke a e bona e fapanie." Mme a re, "Ke hantle, Luthere, empa ntho ke ena." Yena e ne e le eng? Luthere e ne e le naledi ya mongwaha wa hae, empa Wesele ke enwa. Ho lokile.

²¹¹ Jwale, yaba, Maluthere wohle a kgutlela shelefeng, hoba ba ile ba lebala... ha ba ka ba... Jwale, ha se bohle ba... Ke bolela kereke ya Luthere. Luthere e sa na le banna ba lokileng, ba tlatsitsweng ka Moya o Halalelang. Ho lokile. Empa bohle jwale ba kgutlela morao kerekeng, mongwaheng oo. Ke hantle.

Wesele ke enwa a etla. A ba fetisa mongwaheng wa hae.

²¹² Yaba, ntho ya pele le a tseba, ho tla... Ka mora mongwaha wa Wesele, ha nyoloha Pentekosta. Mme ba amohela Moya o Halalelang, ho bua ka dipuo.

²¹³ Kgele, Mamethodise, le Manazare, le Holiness, ba re, "Oho, ke Diabolosi." Mme na le bona seo le se entseng? Le nyefotse Moya o Halalelang. Mme na le bona moo le leng teng kajeno? Ho lokile. Lona, ke hantle seo le se entseng. Ehlide, le ho entse. Mme la sitwa ho tsamaya Leseding.

²¹⁴ Mme jwale lona Mapentekosta le fofo hona, Mongwaha wa Phutheho ya Laodisea, hoo Modimo a le hlatsang molomong wa Hae. Hantle. Ke hantle haholo.

²¹⁵ O re, "O dumela ho bueng ka dipuo?" E, monghadi. "Na le ka mohla o ye o bue ka dipuo?" E, monghadi. Ke rorisa Modimo ka baka la hona. E, monghadi. Ke buile ka dipuo, makgetlo a mmalwa. Mme ke dumela hore ke Matla a Modimo. E. Ha ke dumele hore pontsho ya matlha, jwale, ke ho bua ka dipuo. Empa ke dumela ho na le Matla a Modimo a etsang hore o bue ka dipuo, mehlolo le meeka ho latela. E, monghadi.

²¹⁶ Mme Diabolosi a ntano hloma setshosa sa kgale hodimo mono, motho e mong ya sommeng le ho etsa jwaloka hoja ba ne ba na le Moya o Halalelang. Mme lona maPilgrim Holiness, le Holiness, le Manazare, le lona bohle, le ile la hetla mme la re, "Ooo, ha ke batle letho la Hono. Ooo!"

²¹⁷ Oho, mohau! Ha le ne le na le Moya o Halalelang, kapa karolo ya Modimo tlase pelong tsa lona, le halaleditswe kamoo le neng le loketse kateng, le ka be le eleletswe hore hoo ke Matla a Modimo. Na Jesu ha a ka a re, “Ha le ne le tsebile Moshe, le ka be le tseba le Nna”? Ehlide. Haeba kgalalelo e ne e le karolo ya Moya o Halalelang e ileng ya le hlwatswa le ho le halaletsa; ha le ne le e na le Hono, le tla elellwa karolo yohle ya Lona ha E tla.

²¹⁸ Letsoho *lena* le elellwa letsoho *lena*. Hlooho *ena* e elellwa leoto *lena*. Ke karolo ya mmele.

²¹⁹ Mme Bibebe e boletse hore ho na le dineo tse robong tsa moya; baporofeta, baruti, baboledi, le bapro- . . . le jwalo-jwalo; le—le phetolelo ya dipuo, ho bua ka dipuo, phodiso ya Kgalalelo. E tla elellwa sepho se seng le se seng sa Yona.

²²⁰ Oho, le hwamme, “Ha ke batle letho la Hono.” Shuu! Ho a futhumala mona, ha ho jwalo? Ke nnete eo. Hobaneng? Hobaneng? Le ile la hlophiswa. Kereke ya lona e itsalo, ke ka baka leo le sa kang la ho etsa. [Moena Branham o kokotile sefaleng makgetlo a mmalwa—Mong.]

²²¹ Empa bongata ba lona Mamethodise le ile la tswa mme la amohela Moya o Halalelang. Bongata ba lona Mabaptise le ile la tswa mme la amohela Moya o Halalelang. E, monghadi. Lona, mme le bongata ba lona maHoliness le ile la tswa mme la amohela Moya o Halalelang. E. Hobaneng? Ha le a ka la tsotella se boletseng ke kereke. Le ile la tsamaya Leseding. Amen. Ha le a ka la kgathalla se etsahetseng. La tseba hore e ne e le taba ya Morena, mme la ntano tsamaya ho Yona.

²²² E re mme wa kgale—wa kgale a sale morao mono, mma bona wa kgale. E sebetsa sekwa mma yona morao kwana, sehlola. E hlophisitse. Ke wona molawana wa ho qala wa mathata, ha kereke ya Katolike e ne e hlophisa. Yaba kereke ya Luthere e hlophisa ka mora yona. Yaba kereke ya Methodise e hlophisa ka mora yona. Yaba kereke ya Baptise e a hlophisa. Mme jwale ho na le makgolo a tsheletseng le mashome a robong a metso e tsheletseng a mekgatlo e fapaneng. Mme Pentekosta e entse ntho e tshwanang!

²²³ Thoriso! Molato ke eng? Modimo o paka hore ha A ka hara mokgatlo. O Moyeng, Moya o Halalelang. Hallelua! Hallelua! E, monghadi.

²²⁴ Ha A natse hore mokgatlo wa hao ke eng. Ke dithole. O kopane le Bokatolike mme o boetse ho bona hape, le ho dula ho bona, mme o amohela lona letshwao leo bo leng lona. Na lengeloi ha le a bolela hore, “Tswang ho yena, setjhaba sa Ka, mme le se tshohe le kenella dibe tsa hae, mme Ke tla le amohela”? “Le se ke la ama ntho ya hae e sa hlwekang, mme Ke tla le amohela,” ke Moya o Halalelang o buang.

²²⁵ “Ekare ha motho a amohela letshwao la sebata, leha e le palo ya lebitso la sona.” Eka re ka be re na le nako ya ho kena ho yona; nako yaka e fedile. Palo ya lebitso la sona ke eng? Boprotestanta. “A re etseng setshwantsho se jwaleka sona. A re etseng mokgatlo. Kereke ya rona e lekana le Katholike ka boholo.” Ba nkile dintho tsena tsohle. “Ba na le dikereke tse kgolo, ho jwalo le ka rona, hape. Re na le sehlopha sa maemo sa motse se lekanang, jwaloka ka bona ho tsa bona. A re etseng setshwantsho sa sebata.” Mme Bibele e itseng, ke “SEOTSWA,” mme hono ke “SEHLOLA,” ka mokgatlo.

²²⁶ Empa Kereke ya Modimo o phelang e lokolohile. “Eo Mora a mo lokolotseng o lokolotswe kannete.” Tswang ho yona! Tlatswang ka Moya wa Modimo.

Ditjhaba di a thothomela, Iseraele e a phaphama,
Dipontsho tseo baporofeta ba di boletseng pele;
Matsatsi a Baditjhaba a badilwe, ka tsietsi tse phophothang;
“Kgutlelang, oho lona ba hasaneng, habo lona.”

Tsatsi la topollo le haufi,
Pelo tsa batho di hlolwa ke tshabo;
Tlatswang ka Moya’ Modimo, mabone a lona a loke a hlake,
Lelalang, topollo ya lona e haufi! Amen.

²²⁷ Kamoo dintho di tsamayang kateng! O boletse, “Mohlatswana, se tshabeng. Ke thato ya Ntata lona ho le fa Mmuso,” ho dula dibakeng tse Mahodimong.

²²⁸ Mme lona Methodise, Baptise, Presbeteriene, le tshehileng pentekosta . . .

²²⁹ Mme, ke re, Pentekosta e hloka ho patlotswa ho hotle ha Evangedi ya mehleng ya kgale, hoba ba a hlophisa. Yona Asemolise ya Modimo e kene ka-ka hara Pentekosta e kgolohadi, e kene sebokeng sa dikereke, ka ho pompala le ho tlala dikgang hakaalo. Mme moo nkileng ka bona Moya o Halalelang o tswarwa hampe ka ho fetisia, mohlomong, e ne e le moreri wa Pentekosta. Ka baka leo o se hopole, hore ka hobane o le setho sa kereke ya Pentekosta, o pholositswe.

²³⁰ O pholositswe ha feela o kolobeditswe ruri ka Moya wa Modimo, ke Moya o Halalelang, ho kopangwa le Yena Matleng a Hae a tsoho, ho tswela pele homme mehlolo le meeka, e latetse Moya oo hohle moo O yang teng. Mehlolo e ne e latela baprofeta. Mehlolo e latetse Jesu Kreste. Mme ya latela baapostola. O boletse, “Mehlolo e tla latela ba dumelang ke yona ena,” ho fihlela A boy a hape.

“Na Hoo ho buile jwalo, Moena Branham?”

²³¹ “Eyang ke hona ka lefatshe lohle, mme le bolele Matla ana le ponahatso setjhabeng se seng le se seng.” Mme ho sa haella karolo ya pedi-tharong ya lona, le jwale, ha e eso ho ka e E utlwa. “Mme mehlolo e tla latela ba dumelang ke yona ena.” “Bao!” “Setjhabeng ka seng!”

²³² Thoriso! Shuu! Oho, kgidi! Mohlomong le nahana hore ke a hlanya. Moena, ke a o bolella, ke rata tumelo ena ya mehleng ya kgale. E, monghadi, e o ankora ka ho Kreste!

²³³ Jwale na le bona seo letshwao la sebata le leng sona? Ke letshwao la bokwenehi. Ke motho eo e leng...ho nahana feela, ho re, “Tjhe, ke setho sa kereke, mme ke lokile hakaalo ka thaka le leng. Na ha ke setho sa kereke na?” Mme na o a lemoha, moo kereke eo ya hao ya mokgatlo eo o itshetlehileng ka yona, hore a tswa kae? Na o a lemoha?

²³⁴ Bibebe e boletse, “Ekare ha motho a kgumamela sebata, ho amohela letshwao la sona, leha e le palo ya lebitso la sona,” jwale hlokomela, “phatleng leha e le letsohong,” eo ke *tsebo* le *ketso*. Hoo ha ho bolele hore o na le nyao e kgolo sefahlehong sa hao. Ha e a tlameha ho ba hono. Ha le bue ka bokantle. Le bua ka moya.

²³⁵ Mo shebeng mme le boneng seo a se tsebang ka Lengolo. Mo utlweng mme le mmoneng moo a lebileng teng. “Ekare ha e mong a sa tiisetse Thutong ena, ha ho Lesedi ka ho yena,” Bibebe e itsalo. Le a bona? Le a bona? Bonang moo a lebileng teng. Bonang seo a se etsang.

²³⁶ O re, “Tjhe, ke—ke setho. Ke Moprotestanta. E, monghadi. Ke—ke setho sa kereke *ena* e itseng. E, monghadi.” Mme ka Sontaha o batla feela o e na le hlompho ho yona hore o tle ha pula e na. O theohela tlase, ho e na le ho ya tshebeletsong ya thapelo, o ye o kwale kereke, mme o dulele ho shebella ponwahohle. O tswela ntle mona mme o a nwa le ho itshwara jwalo, le ho etsisa lefatshe lohle, leha ho le jwalo ke setho sa kereke. Hopola, leo ke letshwao la sebe.

²³⁷ Jwale a re balleng pejana, ka potlako, mme jwale ke tla kwala. Re fetile nako. A re baleng temana ya 6.

Mme ka bona mosadi eo jwale (kereke) a tahilwe ke madi a bahalaledi, . . .

²³⁸ “A tahilwe ke madi a bahalaledi.” Le a tseba, Bibebe e boletse, mohla a timeletswang, hore motho e mong le e mong ya kileng a shwa, lefatsheng, molato o fumanwe kerekeng ya Katolike. Hantle, qalong.

... le ke madi a dipaki tsa Jesu: mme . . . (ke Johanne ya buang jwale) . . . mme ka makala ka makalo e kgolo, ha ke mmona.

²³⁹ Johanne o itsalo! Jwale a re shebeng mona. Johanne o boletse, “Ha ke mo tadima; a le motle, kereke e ntle e kgolo. A e na le dikereke tse sehlopha tse tswetsweng ke yena, ‘mma diotswa.’ Mme ka nto hetla, mme ka moo mosadi eo... O ne a fana ka thuto eo ya bohata, a etsa hore marena wohle le banna ba phahameng ba tahwe ke yona. Mme ke mona baradi ba hae ba etsa yona ntho eo. Empa, ka mo tadima; a le motle!”

²⁴⁰ Nqalang e nngwe ya Lengolo le itse, “Ke dutse jwaloka mofumahadi mme ha ke hloke letho.” Le a bona?

²⁴¹ Mme yaba yena, Johanne, o re, “Ka mo makalla. Ka mo tadima, mme ka mo makalla ka makalo e kgolo. Ka mo makalla.”

Lengelo la re ho nna, O makaletseng? Ke tla o bolella...ke tla o bolella sephiri sa mosadi, le... sebata seo a se mo jarang, se nang le dihlooho tse supileng le dinaka tse leshome.

²⁴² Jwale a re shebeng hore na re ne re nepile. Haeba re fumane Bokatolike hantle, eba jwale le a tseba hore Boprotstanta bo bo sala morao. Ka baka leo le na le... Lona, le ruile bohlale bo lekanang ho ka tseba taba eo, le a bona. Hlokamelang.

Sebata seo o se boneng se neng se le teng, ...ha se yo; se teng, ...

²⁴³ “Sebata.” Jwale hlokamelang. Jwale le tla elellwa hodimo mona, e boletse hore ho no na le marena a makae; a weleng, e mong o tla ba teng.

...se se se tla nyoloha sekoting, ...

²⁴⁴ E seng ka Bibeleng! E bopilwe ka sehlopha sa ditumelokgwela. Ha ho tshehetso bakeng sa yona. Ke hokae moo le fumanang “pelekatori” teng? Ke hokae moo le fumanang taba ena ya “ho ila nama,” le “moprista ha a nyale,” le dintho tse ding tsena tsohle tseo ba di etsang, “maipolelo”? Le e fumana kae? Ha ho sebaka moo e fumanwang teng. E tswa diheleng. Bibebe e itsalo. Se tswa kwana, sebata, matla, thuto eo se neng se e tshwere, “E tswa sekoting se se nang botebo.”

...mme se ntoo ye tahlehong:...

²⁴⁵ “Tahleho” e ho kae? Dihele. Se boela hantle nqalang eo se tswileng ho yona.

...mme ba ahileng lefatsheng, bao mabitso a bona a sa kang a ngolwa bukeng...haesale lefatshe le thewa, ba tla makala ha ba bone sebata hobane se ne se le teng, ...ha se yo, athe se tla boela se be teng.

²⁴⁶ Jwale, dikereke tsa Protestanta di re, “Ebe, taba eo e ka ba jwalo jwang, haele moo ba re, ‘Ke dumela ho Jesu Kreste. Ke Mopholosi wa ka?’” Diabolosi o a dumela, le yena, moena.

²⁴⁷ E loketse ho ba tshokoloho, Tswalo e ntjha, ho tswalwa la bobedi. Mme ha o tswetswe la bobedi, lebitso la hao le ngolwa Bukeng ya Bophelo ya Konyana.

²⁴⁸ O ka re, “Ke ye ke ipotse. Ebe, ke eng, na ha ke lekane le motho e mong ka ho loka? Na ha ke a loka jwaloqua sehlopha sa lona bathethehi ting ba kelello di rothofetseng? Ke bohlale. Ke di kentse ka... Ke na le dikgau. Ke tswa kholesheng. Ke tswa lapeng le letle. Baheso e ne e le ditho tsa kereke, pele ho nna. Na ha ke a loka jwaloqua ka lona?”

²⁴⁹ E boletse, “Lefatshe lohle,” Maprotestanta le bohle, “la makala,” bohle haese bao mabitso a bona a na ngodilwe Bukeng.

²⁵⁰ Hobaneng mabitso a ngodilwe? Bao ke Peo ya Abrahama, “le majalefa ka pallo, ba kgethilweng pele ho thewa lefatshe.” Ke kahoo ba sa makaleng. Elang hloko mona, jwale bonang seo a se boletseng. Bonang bana ba ka Bukeng ya Bophelo ya Konyana.

Ke mona ho hlokwang kutlwisiso e nang le bohlale.

²⁵¹ Jwale ke batla ho le botsa taba. Na bohlale ke e nngwe ya dineo tsa Moya o Halalelang? [Phutheho e re, “Amen.”—Mong.] Ho nepahetse? Ke ba bakae ba dumelang hore Bibebe, Bakorinthe ba Pele 12, e ruta hore dineo le tsohle tse ka kerekeng, hore bohlale, a re boneng, ke e nngwe ya dineo? [“Amen.”] Tjhe, jwale le ka bolela jwang hore ho bua ka dipuo ha se ntho e teng? Le bolela jwang hore ho fetola puo ha se ntho e teng? Le ka bolela jwang, phodiso ya Kgalalelo ha e yo? Ka hobane mmele o le mong... Haeba ke le mmele, ke e na le letsoho ka nqeng *ena*, le letsoho ka nqeng *ena*, le leoto *mono*; o ka bolela jwang hore letsoho, ha se leoto? Na ha le a utlwa se boletseng ke Paulosi?

²⁵² Jwale hlokamelang, o bua matsatsing a qetelo, ho lebisitswe ho Mmele ka ho otloloha, ha thwe, “Ke mona ho ya nang le kutlwisiso e nang le bohlale.” Oho, ke rata hona. Oho, kgidi! Taba e tla le hlolla ke ena. Mamlang taba ena. Ke hantle. “Ke mona ho hlokwang kutlisiso e nang le bohlale.” Ha dineo tseo tsa Moya o Halalelang di sa tla jwalo mongwaheng wohle, hobaneng a boletse taba ee mabapi le matsatsi a qetelo he? Haeba ho sa tl’o ba le dineo ka kerekeng, matsatsing a qetelo, hobaneng a lebisitse taba ee matsatsing a qetelo he? “Ke mona ho ya ruileng kutlwisiso e nang le bohlale.”

Dihlooho tse supileng ke dithaba tse supileng, tseo mosadi a dutse hodima tsona.

²⁵³ Dithaba tse kae? Ke metse e mekae lefatsheng, le hona, moo kereke e dutseng hodima dithaba tse supileng? O le mong feela. Ke hokae moo? Motse wa Mopapa Roma. Ho jwalo na? [Phutheho e re, “Amen.”—Mong.] Bibebe e boletse hore seotswa

sena se tshabehang se febisitse lefatshe lohle, mme sa tswala seholpha sa baradinyana ho ruta yona ntho eo se e rutileng; ba ne ba se babe jwaloka yena, empa e ne e le diotswa. Ho ba ruta yona ntho eo. Ha thwe, “Qalo ya yona etlaba mosadi,” kapa kereke, “e dutseng hodima dithaba tse supileng” kwana Roma. Ke shebile hohle lefatsheng; mpolelleng moo o leng teng, “kereke e dutseng hodima dithaba tse supileng.” Jwale ke bala taba ena Bibeleng.

Hape ke marena a supileng: ho se ho wele a mahlano, . . .

²⁵⁴ Ha re ka nka nalana, mme ra kgutlela morao ho bontsha taba eo, moo marena a weleng teng, Roma, haesale ho tloha mmusong wa Babilona.

. . . e mong o sa le teng (Nero), mme e mong ha eso ho tle; etlare . . . o tla ba teng ho se hokae (dikgwedi tse ka bang tshelela) ha a e tla.

²⁵⁵ “Mme sebata . . .” Uuu! Bonang sena. Jwale matla a tla nka sebaka sa bohetene.

Sebata se neng se le teng, se seng se le siyo, sona ke . . . wa boroba meno e le mmedi, (jwale hlokomela) mme ke e mong wa a supileng, . . .

²⁵⁶ Kaofela le tseba kamoo e neng e le morena ya sehlooho kateng. A fe- . . . A hokela mmae sefateng sa pere e le nngwe le ho mo hulanya diterateng, mme a tjhesa motse, mme a dula leralleng a letsa thomo. Ke wona moyo o tshwanang le o laolang kereke o dutseng nqalong ya bohetene. “Wa boroba meno e le mmedi, ke e mong wa a supileng. Mme o se a le teng, mme ha a yo; mme o teng, mme ha a yo; mme o teng, mme ha a yo,” ho theosa jwalo.

. . . mme o ya tahlehong.

²⁵⁷ Hantle ho fihlela kwana ho Tleng ha Morena, mme o ya akgelwa diheleng.

Dinaka tse leshome tseo o di boneng ke marena a leshome, a esong ho nke mebuso; a mpa a tla amohela matla a borena hammoho le sebata ka hora e le nngwe.

²⁵⁸ Oho, ha feela re ne re e na le . . . ”A esong ho amohele matla.” Ha se marena. Ba ne ba se na . . . Ba ke ke. Dinaka di ne di se na meqhaka. “Ba amohela matla a marena.” Ke eng? Babusanosi; ha se marena a rwesitsweng meqhaka. Babusanosi! Oho, kgidi!

²⁵⁹ Jwale, oho, ha ke bala taba ena, ka nako tse ding pelo yaka e kabakaba ke thabo, ho lokile, ha ke nahana kamoo re phelang mona letsatsing la ho qetela.

Dinaka tse leshome tseo o di boneng ke marena a leshome, a esong ho nke borena; a mpa a tla amohela matla a borena hammoho le sebata ka hora e le nngwe.

Ba kgopolو e le nngwe, mme ba tla neela ho sebata borena le matla a bona.

Ba tla lwantsha Konyana, empa Konyana e tla ba hlola:...

²⁶⁰ Ntwa ya Ammageddone ke eo e hlahella; ho itokiseditswe Dilemo tse Sekete.

...kahobane ke Morena wa morena, le Mmusi wa mmusi: ... (le se tshohe) ... mme ba nang le yena ke ba bitsitsweng, bona bakgethwa, ...

²⁶¹ E seng lona; ke Yena ya ho entseng. Lona ba nang le Moya o Halalelang, le loketse ho howa tlholo. Modimo o le kgethile le pele ho thewa lefatshe. Ha o sa kgone ho bona Lesedi la Evangeli, ke kahobane o—o foufetse feela.

...bakgethwa le badumedi.

Yaba lengeloi la re ho nna, Metsi ao o a boneng, ao seotswa se dulang ho wona, ke merabe, ... matshwele, le ditjhaba, le dipuo.

²⁶² Ka mantswe a mang mosadi enwa ya dutseng mona, kereke, o tla neela thuto ya hae morabeng o mong le o mong, matshwele, le puo. Ke eo moo a leng teng. O a ba busa. O dutse hodima bona, matla a rena hodima bona. O dutse hodima dithaba tse supileng, o apere purapera e sekarelata, o apere jwaloka ya ruileng ka ho fetisia lefatsheng. Ke eo moo a leng teng.

Mme dinaka tse leshome tseo o di boneng ho sebata, di tla...

²⁶³ Jwale bonang, le tla matleng a bokomonisi.

...di tla hloya seotswa, di se fedise di se hlobodise, di je nama tsa sona, mme di se tjhese mollong.

Hobane Modimo o kentse dipelong tsa bona ho phetha morero wa wona, le ho dumellana, le ho neela sebata mebuso ya bona, dipolelo tsa Modimo di... be di phethehe.

²⁶⁴ Hallelua! “Lehodimo le lefatshe di tla feta, empa Lentswe la Modimo le ke ke la feta.” Bonang!

...mosadi eo o mmoneng...

...mosadi eo o mmoneng ke motse moholo, o busang marena a lefatshe.

²⁶⁵ Mpontsheng motse o le mong lefatsheng o busang marena a lefatshe, ho tswa mokgweng ofe kapa ofe o ratwang ke wena,

ka ntle le boholo ba Katolike Roma, e dutseng hodima dithaba tse supileng. Ha ho motse o le mong, mme ha ho so be le o mong, mme ho ke ke ha ba le o mong; ntle le Motse o Motjha o theohang Lehodimong. Ke hantle.

²⁶⁶ Jwale, motsotso feela. Ke batla ho le bontsha sena hape, ka hona Morena a ke a re tsotelle le ho re hlohonolofatsa mmoho re sa bala hona. Ke hantle. Bonang mona jwale, ke bala kgaolo ya 13. Ke qala temaneng ya 15.

Sa fuwa matla a ho kenya phefumoloho setshwanshong...

²⁶⁷ Moo ke kwana Dinaheng tse Kopaneng, tseo re di bonang di hlahella, le a bona, setshwantsho.

...sa sebata hore setshwantsho sa sebata se tle se tsebe ho bua, se etse le hore ho bolawe bohle ba ba kaalo ba hanang ho kgumamela setshwantsho sa sebata. (Eo ke thibelo.)

Mme sa baka hore batho bohle, ba banyenyane le ba baholo, ba ruileng le ba fumanehileng, le ba ruilweng le ba sa ruwang, ba amohele letshwao letsohong le letona la bona, leha e le moetapele...hloohong tsa bona.

Le hore ho se be motho ya tsebang ho reka leha e le ho rekisa, ha a se na letshwao, kapa lebitso la sebata, kapa palo ya lebitso la sona.

²⁶⁸ Jwale hlokamelang, jwale, ka hloko jwale, ka hlokomelo ruri, pele re kwala. Temana ya 18. Utlwang.

Ke moo bohlale bo leng teng.

²⁶⁹ Le bona kamoo Moya o Halalelang o memetsang ho badumedi tsatsing la qetelo? Sehlotshwana seo mono, ho bua, ho bitsa sehlotshwaneng tsatsing lena la qetelo, “Ke mona ho ya hlalefileng ka kerekeng. A ke a utlwisise sena.”

...Ya hlalefileng a bale dipalo ya sebata: hoba ke palo ya motho, (e seng setjhaba) motho; palo ya sona ke makgolo a Tsheletseng a mashome a tsheletseng a metso e tsheletseng.

²⁷⁰ Mme hantle feela ka hodima Motse wa Mopapa...Le se mpolelle jwale; ke tshwere *Dinnete Tsa Tumelo Ya Rona* [“Facts Of Our Faith”—Moft.], le tsohle, le a bona. Ka hodima Motse wa Mopapa, mme mopapa o eme jwaloka “ya emeng sebakeng sa Mora Modimo.” Ke na le metswalle ya Katolike e dutseng mona hantle, bao e neng e le Makatolike, e dutseng mona mme ba tseba hore hoo ke nnene. Baheso, mohlomong, ba tlileng pele ho nna, e ne e le Makatolike, le bona. Le a bona?

²⁷¹ Ba itse Mohalaledi Patrick e ne e le Mokatolike, homme e ne e se Mokatolike. Ha thwe Joan wa Arc e ne e le mohalaledi; homme baprista ba mo tjhesa jwaloka moloi. Ha ho makatse ha Jesu a boletse, “Le ntlaufatsa mabitla a baporofeta, hodima e le lona le ba kentseng mono, lona mabota a sweufaditsweng.” Ke hantle.

²⁷² Bonang, ke palo ya motho. Mme ka hodima mopapa wa Roma, ho ngodilwe, “VICARIVS FILII DEI.” E ngotswe ka ditlhaku tsa Seroma. Ingolle yona ka bowena feela, hosane. V, I, C, R, kgele, e ntshetse ka thoko feela, ka ditlhaku tsa Seroma, o ntoo seha mola wa hao mme o di kopanye, mme o bone seo o se fumanang: makgolo a tsheletseng a mashome a tsheletseng a metso e tsheletseng. O dutse kae? “Hodima dithaba tse supileng.”

²⁷³ Mme mono ha tswa hlrophiso ya borapedi, e rutileng ditshomo bakeng sa Bibele. Mme Maprotesta a photjhohile ho wona, mme ba etsa yona ntho eo ba leng yona, hoba E boletse hore e ne e le “SEOTSWA,” mme bona e le “DIOTSWA.” Ho tswa ka kolobetso ya bohata, ka borapedi ba bohata, ka kutlwisiso e fosahetseng ya Moya o Halalelang, ka kutlwisiso e fosahetseng ya dihele, le dintho tse kang tseo, mme Maprotestanta a latela hantle mehlaleng.

Empa Lesedi le tla ba teng nakong ya
mantsiboya,
Tsela ya Kganya le tla e fumana ruri; (ke
hantle)
. . . tseleng, ho Lesedi kajeno,
O patilwe ka Lebitso la Jesu.
Batjha le baholo, bakang sebeng sa lona,
Ruri Moya o Halalelang o tla kena kahare;
Masedi a mantsiboya a tilie,
Ke nnete hore Modimo le Kreste ba bang.
(Amen!)

²⁷⁴ Moena, ke a o bolella, ke Masedi a mantsiboya a tjhabileng. Thuto e tshwanang ya baapostola, kolobetso e tshwanang ya baapostola, ho tlatswa ka Moya o Halalelang ho tshwanang ha baapostola, mehlolo le meeka e tshwanang ya boapostola, di hlahella ho Baditjhaba; jwaloka ha di entse ho Bajuda, morao kwana mesong ya hosasa, ke ena moo e leng teng ho dikeleng ha letsatsi.

Eka ho na le batho hohle,
Bao pelo tsa bona di tukang
Ka Mollo o tsolohileng Pentekosta,
O hlatswitseng le ho ba hlwekisa;
Oho, o tuka pelong ya ka jwale,
Oh, ho bokwe ‘Bitso la Hae!
A se le thabo hore ke e mong wa bona.

E mong wa bona, ke e mong wa bona,
 A se le thabo hore ke e mong wa bona;
 E mong wa bona, e mong wa bona,
 A se le thabo hore ke e mong wa bona.

Ba na bokane phaposing e kahodimo,
 Bohle ba rapela ‘Bitsong la Hae,
 Ba kolobetswa ka Moya o Halalelang,
 Yaba ho fihla Matla a tshebetso;
 Jwale se A ba etseditseng tsatsing leo
 O tla o etsetsa sona le wena,
 A se le thabo hore ke e mong wa bona.

Na ha le a thaba? [Phutheho e re, “Amen.”—Mong.]

Tlo, ngwaneso, batla tshitso ena
 E tla hlwekisa pelo ya hao sebeng,
 E tla letsang mangene–ngene a thabo
 Mme e tukise moyo wa hao;
 Oho, e tuka jwale pelong ya ka,
 Oho, ho bokwe ‘Bitsong la Hae,
 A se le thabo hore ke e mong wa bona.

²⁷⁵ Oho, ho tlotsliswe Evangedi ena!

E fopha madi, e, e fopha madi,

²⁷⁶ Dula fatshe o ke o lekanye! “Ya ntatelang, a ke a itele pele,
 a nke sefapano sa hae (lefu) mme a Ntatele.”

Evangedi ena ya Moya o Halalelang e fopha madi,
 Madi a barutuwa ba shwetseng Nnete,
 Evangedi ena ya Moya o Halalelang e fopha madi.

Wa pele ho shwela leano lena la Moya o
 Halalelang,
 Ebile Johanne Mokolobetsi, empa a shwa sa
 monna;
 Yaba ho latela Morena Jesu, ba Mo thakgisa,
 A bolela hore Moya o tla pholosa batho sebeng.

Ho n’o le Petrose le Paulose, le Johanne ya
 ratwang,
 Ba tela maphelo a bona Evangedi ena e tle e
 phatsime;
 Ba tswaka madi a bona le baprofeta ba kgale,
 Ho tl’o bolelwe ka botshepehi ‘Ntswe la nnete la
 Modimo.

Ba ntoo tlepetsa Setefane, a rera kgahlano le sebe,
 A ba halefisa, ba ba ba bothetsa boko ba hae;
 Empa a shwa Moyeng, a neela moyo,
 A ya kopana le ba bang, makgotleng ale a fanang
 ka bophelo.

E fopha madi, e, e fopha madi,
 Evangedi ena ya Moya o Halalelang ya nna ya
 fopha madi,
 Madi a barutuwa ba shwetseng Nnete,
 Evangedi ena ya Moya o Halalelang ya nna ya
 fopha madi.

Meya e teng tlasa aletare, e reng, “Ho tla ya
 hakae?”

Morena o tla ahlola neng ba entseng bokgopo;
 (ho tshehis le a bona. Oho, kgidi!)

Empa ho sa na le ba tla neela madi a ‘phelo ba
 bona

Bakeng sa Evangedi ena le mophula wa yona
 o mofubedu.

E fopha madi, e, e fopha madi,
 Evangedi ena ya Moya o Halalelang e ntse e
 fopha madi,

Madi a barutuwa ba shwetseng Nnete,
 Evangedi ena ya Moya o Halalelang e fopha
 madi.

²⁷⁷ A re reteleheng, re tsukutlaneng ka letsoho le motho e
 mong jwale.

E fopha madi, e, e fopha madi,
 Evangedi ena ya Moya o Halalelang e fopha
 madi

Madi a barutuwa ba shwetseng Nnete,
 Evangedi ena ya Moya o Halalelang e fopha
 madi.

²⁷⁸ Na le rata Morena? [Phutheho e re, “Amen.”—Mong.]
 Morena a le hlohonolofatse.

²⁷⁹ Ntate, re rapella hore O tle o hlohonolofatse mokgupi
 wona, mme ba ke ba ye lapeng ba nyakaletse. A ba ke ba tle
 Sedibeng se tletseng Madi, a montsweng methapong ya
 Emmanuel. A ba ke ba tele bokereke bohle ba kgale, mme ba
 tle le ho amohela Moya o Halalelang. Re rapela Lebitsong la
 Jesu. Amen.

Modimo a le hlohonolofatse. Ebang le bosiu bo atlehileng.
 Modimo a be le lona.



Letshwao La Sebata, Vol. 5 No. 1
(The Mark Of The Beast, Vol. 26 No. 3)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Labone mantsiboya, Motsheanong, 13, 1954 mane Tabernakeleng ya Branham, mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 1997 ke ba ha:

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org